

疆

邛

叢

書



簫臺公餘詞目錄

太平歡

滿庭芳

念奴嬌六

水調歌頭四

洞仙歌

南歌子十

臨江仙八

浣溪沙四

鷓鴣天四

瑞鷓鴣

西江月二

減字木蘭花八

如夢令三

點絳脣四

行香子

朝中措

南鄉子

憶秦娥

醜奴兒二

醉落魄

阮郎歸

好事近

二

歸國謠

二

簫臺公餘詞

華亭 姚述堯 道進

太平歡聖節賜宴

蕤賓奏律正太平無事歡娛時節翹首簫臺南望處兩
兩壽星明徹和滿乾坤春回草木瑞靄凝金闕鈞天齊
奏嵩呼隱隱三發 遙想帝里繁華慶父堯子舜賡歌
胥悅黼座傳觴仙仗裏拜舞兩階英傑愠解薰風恩覃
湛露玉陛笙鏞咽溥天同慶年年沈醉花月

滿庭芳 賜坐再賦

酒泛恩波香凝瑞彩笙歌鼎沸華堂簪纓濟濟拜手祝
君王好是重華盛世康衢裏爭頌陶唐古今少聖明相

繼交勸萬年觴
昇平無外事窮天
極地俱沐恩光更
宮花齊戴錦繡成
行願捧蟠桃爲壽
對瑤宴一曲山香
堯天近葵傾心切
相約共梯航

念奴嬌次劉周翰韻

山城秋早聽畫角
吟風曉來聲咽夢
斷華胥人乍起冷
浸一天霜月灑氣
參橫塵埃洗盡玉
管濡冰雪興來吟
詠靈均誰謂今絕
聞道瀟洒王孫對
黃花清賞喜延
佳客一坐簪纓譚
笑處全勝東籬山
色酒興雲濃詩腸
雷隱飲罷須臾設
醉歸凝佇此懷還
與誰說

又冬日賞菊次前韻

霜風初過正仙吏
微吟詩喉清咽靜
對南山真賞處秋

後一亭花月翠簇香裊光搖金勝玉女肌凝雪花有黃白相間
寒城無伴爛然還自奇絕 況有鳧舄朋來拚金錢都
罄晚酣留客應笑陶潛孤負了多少傲霜餘色鯨飲方
豪龍吟未已更著雕胡設清歡無限醉歸猶記前說

又九日作

山城秋好正西風淅淅登高時候杖倚徘徊凝望處翠
疊萬山如繡雲繞禾場燧沈戎馬田野歡聲湊琴堂無
事何妨同泛香溜 況有庭下黃花徧河陽盡把金錢
鋪就一坐簪纓譚笑裏塵脫風生清晝飲罷龍山詩成
彭澤灑氣森星斗醉歸凝佇美人時炷金獸老杜九日

戎馬酣歌
淚欲垂

又重九前二日登西塔觀縣治用前韻

江山清絕正簫臺花縣霜秋時候尋勝登高環望處碧
瓦參差鋪繡五岫藏雲兩溪吞月古市漁鹽湊青帘斜
颺家家香泛丹溜 況是東魯風流看儒冠濟濟垂天
賦就時科舉後邑中預薦者四人陶令從容官事了把菊高吟閒晝
草鞵圍屏香凝燕寢豪飲揮金斗公庭無事珍祥休問

馴獸魯恭馴雉也

又瑞香

芸堂春早正芳苞紫萼籠煙調雨隱隱朝陽歌宴罷擁
出三千宮女醉面勻紅香囊暗惹鵲尾煙頻炷廬山佳
致依然都在庭宇 因念一種天香當年巖谷下想難

儔侶一旦呈祥都占斷
闔苑瓊林歌舞瑞彩扶疏錦籠
綽約蘭蕙應羞妒
明朝勝賞有誰同唱金縷

又梅詞

厲主簿爲梅溪先生壽

早春時候占百花頭
上天香芬馥寥廓寒分和氣到
知是花神全毓獨步前林
挽回春色素節輝冰玉
翛然一笑便應掃盡粗俗
最愛瀟洒溪頭孤標凜凜不與凡
華逐自是玉堂深處客
聊寄疏籬茅屋已報君王爲調
金鼎直與人閒足
更看難老歲寒長友松竹

水調歌頭

中秋

碧落暮雲卷玉宇
靜無塵寶階露滴仙掌
秋氣正平分
冷浸銀河清澈光射珠躔
明滅素女擁冰輪
今夕桂華

滿疑是別乾坤 對清影凌灑氣沃芳尊 憑高凝望萬
里城闕盡鋪銀 偏照長門離恨更攬西園 詩思何處不
關情 此景年年好 莫惜醉歸頻

又七夕

三五半圓夜 二七素秋天 銀河耿耿中渡絳節會星駟
寶鵲喜傳佳信 丹鳳歡迎仙仗 瑞彩映珠躔 此意天長
久 不比在人閒 多情客 捧香餌 潔賓筵 殷勤拜舞乞
壽乞富乞團圓 宜與人人願足 更看家家歡洽 喜氣滿
江山 今夕莫辭醉 後會是來年

又醮醮

上苑暮春好 煙雨正溟濛 桃蹊冷落無語 嫩綠翳殘紅

好是翠幄乍展喜見玉英初坼裁翦費春工綽約更嬌

軟輕颺萬條風散清馥翻素豔照晴空佳人羞妒競

把粉質鬪芳容無限惱人風味別有留春情韻張商英

云紅雨萬花供掃迹都付酒杯中唐制寒食日內宴極

目憑闌久月影在牆東

又秩滿告歸曾使君餞別席閒奉呈

澤國正秋杪微雨洒江濱憑高一望萬里多稼總如雲

芳野壤歌鼎沸古市歡聲輻湊盡是泰平人鈴閣儘無

事桃李滿公門恨瓜戍趣征馭惜芳辰高情耿耿重

別中夜沃清尊不為蘭亭感慨莫作楚狂醉倒譚笑自

生春明日送行處忍顧翠眉顰

洞仙歌七夕

金風玉露正清秋。初霽天上星郎夜。遊戲喜鵲兒。向織女報佳期。停機杼。草草便諧歡會。情深悄無寤。雲雨須臾。剛被雞人早驚起。念歲歲年年。今夕之前。兩下裏。千山萬水。到今夕相逢。又恁恁願地久。天長永無拋棄。南歌子九日會黃子升何誠夫宋仲遠丁景之熙叔劉

方叔何伯明戴子強二趙主管及諸同舍席閒

作

素節秋強半。嘉名久最宜。霜風簌簌下天涯。幸有佳朋何惜共登危。月窟諸仙子。天宮兩白眉。相逢不醉定無歸。笑問黃花重約是何時。

又呈府判刪定黃子升

天宇霜風淨雷封露氣寒羣賢高宴勝龍山中有仙翁

綠鬢更朱顏

北闕心猶壯

老杜九日詩云北闕心長戀西江首獨回

東籬

興未闌年年身健足清歡後會不妨重約醉長安

又九日次趙季益韻

人在煙雲裏山橫碧落旁望中縹緲是仙鄉幸有佳朋

何惜醉斜陽

公子傳杯速騷人鍊句忙悠然此興未

能忘似覺庭花全勝去年黃

又趙德全會同舍小集屏閒置山丹花紅黃二枝卽席

索詞

瑞彩迎朝日柔枝繞慶雲誰將仙種下天闈卻笑葵杯

榴火俗紛紛 色映薔薇水光浮琥珀尊美人浴罷近
黃昏總把淡妝濃抹鬪芳芬

又贈趙順道

咳唾瓊珠璀璨精神冰玉寒不求名利不談玄明月清風
相對自怡然 瀟洒真仙隱繁華小洞天薰風颯颯度
虞絃更擁姬姜何惜醉華年

又聖節前三日小集于尉廳

賓宴親堯日薰絃動舜風公餘無事樂年豐多謝歌姬
流盼更情濃 氣偪雲天外毫濡雪椀中百篇斗酒興
何窮卻笑東山無語醉花叢

又王清叔會同舍賞蓮花席閒命官奴索詞

羅蓋輕翻翠冰姿巧弄紅晚來習習度香風疑是華山
仙子下珠宮柳外神仙侶花間錦繡叢競將玉質比
芳容笑指壺天何惜醉千鍾

又戶掾陳宋鯨法曹鄭頡約新隆興倅木蘊之同游西

山小飲於淨社僧舍席閒作

金谷貂蟬侶東山錦繡叢管絃絲竹醉東風漫逐流鶯
飛舞亂紅中清賞吾人事詩情我輩鍾藤蘿欲上更
指筇笑指壺天煙繞斗城東

斗城永嘉
城名也

又時方自僉廳會議催科事罷卽作此游

誤入紅蓮幕來依玉樹叢也將塵迹寄東風忙裏偷閒
同到此山中迴野韶華麗晴嵐秀色鍾憑高凝望倦

扶筇喜見今年和氣滿南東

詩云南東其畝時山
間見麥禾方秀故云

又

雨過雲峰淨天高水鏡平
望中寸碧遠山橫瀟洒何郎
相對挹金觥朱李沈寒碧
新瓜破玉英浩然譚笑有
餘情醉舞何妨積玉倚飛瓊

臨江仙

山縣登高真勝事滿筵當代英
奇黃花無語笑東籬龍
山真鼠輩巴嶺漫鞿棲
醉後風流情更好笑譚落落
珠璣莫將烏帽任風吹
動容皆是舞出語總成詩

又呈湘川使君丁郎中仲京

佳節喜逢長久日

魏文帝與鍾繇書曰九月九爲陽數
而日月並應俗嘉其名以爲宜於長

久故以享宴高會是月律中無射言羣木庶草無有射
地而生惟菊紛然獨榮非夫含乾坤之淳和體芬芳之
淑氣孰能如此故屈平悲冉冉之將老思食秋菊之羽
落英輔體延年莫斯之貴謹奉一束以助彭祖之術扁

翩鳧舄朋來霜清天宇絕纖埃老杜九口詩云天宇遙

隣巴嶺月嚴武有九日巴嶺答杜二見憶詩云擬上曲

江臺老杜有九日曲江詩云重陽獨懷縣從容留客

宴見老杜九日楊奉光追歡正好傳杯使君歸騎莫相

催更拚明日醉未放菊花開

又雨中觀瀑泉於白鶴僧舍

雲度巖扉風振谷迅雷驚起蛟龍天威洶洶變晴空攪

翻銀漢水傾入寶蓮宮雪浪奔衝凌翠麓隴頭低挂

雙虹人閒熱惱盡消融此流長不斷萬折竟朝東

又中秋夜雨次石敦夫韻

萬石家聲誇第一清材更美姿容笑譚落落與誰同煙

分丹篆碧香泛小槽紅白石云窺檐蟾影準擬中秋圓

月好暮雲忽翳晴空共將清致敵西風舉頭連玉兔乘

興沃金鍾

又前縣尉呂次新自台城來訪酌酒爲勸

材刃縱橫森武庫簫臺舊日梅仙累陪簪盍醉花前吳

門歸去後一別動經年曾到赤城真隱處飄飄鳳舉

龍蟠勒回俗駕向長安好將醫國手從此活人閒

又九日

橘綠橙黃秋正好霜颯洗盡炎威江南多秋熱至九日而後涼園林

木落望中奇俊游方得意楚客爲誰悲
況有風流文字飲何妨同醉東籬狂歌猶記少陵詩地偏初衣袂山
擁更登危

又鄉人王元行調永嘉鹽倉到官一歲有奇余繼至更
再冬王先受代過樂清置酒爲別席間作

一去吳山三改火我來兩見寒梅君今先向斗城回尊
前方重別征騎莫相催堪笑人生如逆旅明年我亦
言歸羨君平步到天涯吳儂如有問爲我說歸期

又送使君劉顯謨歸三衢

憶昨曾將明使指輶車踏徧東城重來遊戲擁雙旌江
山皆故部英俊盡門生時坐客預門生者六杖策翩然歸去也

送行滿坐簪纓尊前雨淚不勝情曲終人散後江上數
峰青

浣溪沙呈潮陽使君宋臺簿敦書

乳酒初頒菊正黃羌人作馬乳酒兼蒲萄壓之晉宣帝時九日來獻因徧賜百僚去年

高宴近清光朝回猶帶御鑪香暫向花封陪客醉已

聞芝檢促歸裝昌黎寧許到潮陽

又青田趙宰席間作

與客相從謁謝公芝田絳節擁仙翁數枝桃杏鬪香紅
醉眼斜拖春水綠黛眉低拂遠山濃此情都在酒杯

中

又贈王清叔縣尉

兩到蟾宮折桂枝
經文緯武擬康時
簫臺仙隱漫游嬉
氣宇棱棱吞夢澤
笑譚落落璀璨珠
玑何妨相對沃金卮

又漁父詞

短棹翩翩綠一莎
碧潭深處幾風波
晚來風定卻高歌
千尺絲綸隨卷放
數聲玉笛足清和
蠅頭名利奈伊何

鷓鴣天 呈鄱陽使君何郎中伯謹

玉宇無塵露氣清
凭高極目萬山橫
霜前白雁初傳信

筆談云北方白雁似雁而小秋深則來白雁至則霜降
北人謂之霜信老杜九日詩云殊方日落玄猿哭舊國

霜前白雁來
籬下黃花獨有情
烏帽側紫萸馨
尊前醉舞

擁飛瓊明年此會知何處不是鄱江是帝城一作便合

又王清叔具草酌賞海棠爲作二絕句清叔擊節隱括

以鷓鴣天歌之

昨夜東風到海涯繁紅簇簇吐燕脂恍疑仙子朝天罷

醉面勻霞韻更宜類說云花以海名者皆自海外來歡未足困相依

羞將蘭麝汚天姿少陵可是風情薄卻爲無香不作詩

又渴雨

幾陣蕭蕭弄雨風片雲微破月朦朧田家側耳聽鳴鸛

寰海傾心想臥龍堯日近舜雲濃聖仁天覆忍民窮

會看膏澤隨車下祇恐詩人句未工

又縣有花名日日紅高仲堅席間作

鳳闕朝回曉色分彩霞輕拂絳衣新
炎鳥影裏年年好
碧玉枝頭日日春
攜翠學對芳尊
東君著意屬詩人
夜深莫放西風入
頻遣司花護錦裯

瑞鷓鴣 王清叔賞海棠翌日趙順道再翦數枝約同舍

小集且云春已過半桃杏皆飄零惟此花獨芳
尤不可孤因索再賦

司花著意惜春光桃杏飄零此獨芳
一抹霞紅勻醉臉
惱人情處不須香
王孫好客成巢飲
故翦繁枝簇畫

堂後夜更將銀燭照美人
斂衽怯殘妝
山谷南昌集云徐儉樂道隱於

藥肆中家有海棠數窠結巢其上時引客巢飲於其間

西江月次蔡仲明韻

紅葉漫隨風舞黃花不畏霜
凋詩人把酒競招招更欲
移尊藉草醉裏謫仙與逸
夜深歸騎聲呶孟公投轄
未相饒不放秋光便老

又

嫩綠煙籠碎玉繁紅日護香綃
故人去後恨迢迢獨倚
危樓情悄脈脈望窮雲杪
看看月上花梢嬾添金鴨
任煙消杜宇一聲春曉

減字木蘭花

井梧飛早一雁橫空天更好
才子尋幽爭把新詩斷送
秋 浮生鷗沒莫爲塵勞輕度日
倒載何妨唱徹涼州

月在旁

又

煙收雲斂極目遙岑三四點過了重陽籬下殘花未褪
黃 鄭莊好客故遣紅妝飛大白月滿回廊飲散歌闌
已斷腸

又千葉梅

暗香清絕不比尋常枝上雪細疊冰綃多謝天公快翦
刀 仙姿楚楚輕曳霓裳來帝所淡拂宮妝瑞腦重鋪
片片香

又再用前韻

霜天奇絕江上寒英重綴雪簌簌輕綃應是司花巧奏

刀 東君清楚故把疏枝來酒所出西漢 點點新妝冷浸

冰壺別有香

又厲萬頃生日時久旱得雨

飛龍利見前夜君王方錫宴時天申聖節 今日相逢卻

向南陽起臥龍 果爲霖雨洗盡蒼生炎夏苦喜氣恩

恩好向尊前醉晚風

又縣齋見梅

天寒人靜嘯倚胡牀閒晝永春信初回報道南枝昨夜

開 沈沈庭院獨坐黃昏誰是伴風過南牆似覺天宮

暗遞香

又聖節鼓子詞

薰風解愠手握乾符躬揖遜廊廟無爲天子親傳萬壽
卮恩覃湛露和氣歡聲均海宇嵩嶽三呼父子唐虞
今古無

又

琴堂無事滿酌金罍承帝祉樂奏簫韶更與封人共祝
堯君王萬歲歲歲今朝歌既醉主聖臣賢從此鴻圖
萬萬年

如夢令水仙用雪堂韻

綽約冰姿無語高步廣寒深處香露浥檀心擬到素娥
雲路仙去仙去莫學朝雲暮雨

又

雅淡輕盈如語碧玉枝頭嬌處鉤月襯凌波彷彿湘江
煙路凝佇凝佇不似梨花帶雨

又壽茶

龍焙初分丹闕玉果輕翻瓊屑綵仗挹香風攬起一甌
春雪清絕清絕更把獸煙頻爇

點絳脣蘭花

瀟洒寒林玉叢遙映松篁底鳳簪斜倚笑傲東風裏
一種幽芳自有先春意香風細國人爭媚不數桃和李
又雙柑扇

金碧交輝江陵千樹天然富寒林爭秀獨向霜風後
寫入冰紈兩兩情何厚同攜久涼生清晝香滿佳人手

又月夜獨坐賞巖桂

夜桂飄香西風淅淅寒窗悄素娥相照倍覺秋光好

花本無情剛被詩情惱知音少爲花歌笑醉向花前倒

又

玉葉金英倩誰移下蟾宮樹香風飄度滿院飛黃雨

獨倚寒林搜盡高人句關情處素娥無語的皜枝頭露
行香子抹利花

天賦仙姿玉骨冰肌向炎威獨逞芳菲輕盈雅淡初出

香闈是水宮仙月宮子漢宮妃清誇薝蔔韻勝醪醖

笑江梅雪裏開遲香風輕度翠葉柔枝與玉郎摘美人

戴總相宜

朝中措

滿城風雨近重陽
小院更淒涼
遙想東籬山色
今年花爲誰黃
何妨載酒登高
落帽物外徜徉
都把淵明詩思
消磨□□□□

南鄉子九日黃剛定再索席閒作

秋水瑩精神
靖節先生太偃真
譚塵生風霏玉屑
津津爽氣泠然欲浸人
一坐盡生春
滿引瓊觴已半醺
更把黃花壽彭祖

事出魏文帝書

盈盈數闋新聲又遏雲

憶秦娥
曹季明休沐日會同舍小酌命愛女奏纂於簾

閒索詞醉中口占

珠簾深玉人
天上傳清音
傳清音雲橫新雁
梅落寒林

纂聲奏
梅花詞

□□□□□□□□□□□□□□□□

謝家庭院壽酒頻斟

醜奴兒王清叔贈梅花見索

山城寂寞渾無緒兀坐黃昏多謝東君先遣司花來報
春清標是自蓬萊客冰玉精神獨步前村分付仙翁
作主人

又壽詞

曉來佳氣穿簾幕鬱鬱蔥蔥寶鴨煙濃戲綵庭前玉樹
叢肌膚綽約眞仙子王母宮中歡會曾同笑問蟠桃

幾度紅

醉落魄前題

春回海角望中佳氣連雲幕曉來隱隱聞天樂玉女金
童來奉瑤池約東風已破蟠桃萼霞觴薦壽更酬酢
香山舞罷宮花落步輦安輿歲歲同行樂

阮郎歸前題

江村昨夜一枝梅先傳春信回非煙非霧下瑤臺香風
拂面來雲幕卷日華開祥光映上台安輿從此步天
街君王賜壽杯

歸國謠

初夏好雨過池塘荷蓋小綠陰庭院鶯聲悄朱簾隱
隱笙歌早沈煙嫋玉人笑擁金尊倒

又

春已去牆外榴花紅半吐薰風習習生庭戶
美人浴罷黃昏暮愁無緒闌干倚徧憑誰訴

好事近贈王清叔

水閣弄清風黯黯滿園肥綠茶罷竹閒攜手有佳人如
玉淵明三徑已催歸名利幾時足遙想五雲多處奏
南風一曲

又重午前三日

梅子欲黃時霖雨晚來初歇誰在綠窗深處把綵絲雙
結淺斟低唱笑相偎映一團香雪口指牆頭榴火倩
玉郎輕折

簫臺公餘詞一卷錢塘姚述堯撰宋史藝文志著於錄
案述堯字進道華亭人以錢塘籍登紹興二十四年進
士乾道四年知温州樂清縣縣有簫臺峰其詞皆官樂
清時所作故以爲名進道在太學日每夜必市兩蒸餅
明日輒以飼齋僕同舍怪而問之進道曰某來時老母
戒以夜飢無所得食宜以蒸餅爲備某雖未飢不敢忘
老母之教也其篤於內行如此生平與張橫浦葉先覺
施彥執爲友彥執沒橫浦祭之以文云生平朋友不過
四人姚葉先亡云云姚卽進道也其事迹僅見於咸淳
臨安志張橫浦集宏治温州府志北窗炙輠錄進道與
橫浦同調而其詞清麗芊緜絕無語錄氣亦南宋道學

家所罕見也是本流傳極罕 四庫及擘經室外集皆
未箸錄余從仁和勞氏得鈔本丁君松生將有宋元明
杭彥詞集之刻移書借錄並屬考訂仕履因識其顛末
於後光緒紀元之十二年冬十二月歸安陸心源識

介庵琴趣外篇目錄

卷之一

醉蓬萊

滿江紅

水調歌頭

瑞鶴仙

朝中措

新荷葉

看花回

芰荷香

卷之二

垂絲釣

謁金門

柳梢青

好事近

點絳脣

卷之三

秦樓月 二

阮郎歸 三

減字木蘭花 六

菩薩蠻 十八

卷之四

蝶戀花 二

琴調相思引 二

杏花天 二

浣谿沙 六

虞美人 三

南鄉子 四

畫堂春 二

滴滴金

青玉案

沙塞子

臨江仙 二

卷之五

鷓鴣天 十一

清平樂 二

眼兒媚

永遇樂

訴衷情

千秋歲

風入松

茶瓶兒

祝英臺近

五綵結同心

卷之六

月中仙

滿庭芳

水龍吟

如夢令

瑞鷓鴣

蕊珠閣

念奴嬌

鵲橋仙

憶少年

桃源憶故人

惜分飛

絳都春

小重山

隔浦蓮

賀聖朝

生查子

思佳客

卜筮子

補

念奴嬌

點絳脣

轉調踏莎行

瑞鶴仙

看花回

好事近

賀聖朝

浣谿沙

菩薩蠻

眼兒媚

江城子

西江月

千秋歲

虞美人

瑞鷓鴣

豆葉黃

念奴嬌

水調歌頭

臨江仙

喜遷鶯

鷓鴣天
十



介庵琴趣外篇卷之一

趙彥端 德莊

醉蓬萊梅

向蓬萊雲渺姑射山深有春長好香滿枝南笑人閒驚
早試問寒柯鏤冰裁玉費化工多少東閣詩成西湖夢
覺幾番清曉 好是羅帷麝温屏暖卻恨煙村雨愁風
惱一一清芬爲東君傾倒待得明年翠陰青子蔭鳳凰
池沼更把陽和從頭付與繁花芳草

滿江紅 茶蘼

千種繁春春已去翩然無迹誰信道茶蘼枝上靜中留
得曉鏡洗妝非粉白晚衣弄舞餘衫碧粲寶鈿珠珥不

勝持濃陰夕 金翦度還堪惜
霜蝶睡無從覓知多少
好辭清夢釀成冰骨
天女散花無酒聖
仙人種玉慚香
德悵攀條記得鬢絲青
東風客

又餞前政盧光祖赴鼎州幕席上作

津鼓鼕鼕三老醉
知誰留得都不記
琵琶洲畔草青江
碧桃李春風吹不斷
煙霞秋興清無極
悵尊前桂子有
餘香曾相識
殘雨晝初涼
夕高燭爛新醅白
長歌斷
歡意不如愁色
父老能尋循吏傳
關河暫枉諸侯客
待
日邊一紙詔
黃飛勝相憶

又汪祕監席上

賜被熏鑪曾同見
官槐重綠時
歸看綺疏疊障
楚腰翻

曲君過蓬山輕歲月我懷廬阜分符竹道別離待得再
歸來人應俗春欲動醅初熟追一笑森三玉且相對
青眼共裁紅燭小語人家閒意態淺寒都下新妝束念
平生和雨醉東風從今足

水歌調頭秀州坐中作

秋色忽如許風露皎如空平生青鬢餘地老與故人同
憶得鱸魚來後雜以洞庭新橘月墮酒杯中賓客可人
意歌舞轉春風坐閒玉花底扇又從容從容更好無
柰多病已衰翁賴有主人風味識我少年狂態乞與酒
顏紅一醉曉鴉起流水任西東

又爲壽

淦水定何許樓外滿晴嵐落霞飛鳥無際新酒爲誰甘
聞道居鄰玉笥下有芝田琳苑光景照江南已轉丹砂
九應降素雲三憶疇昔翻舞袖縱劇談玉壺傾倒香
霧黃菊釀紅柑好在常時明月只有鑪薰一縷緘寄可
同參賸肯南游否蓬海試窮探

瑞鶴仙爲壽

記河梁折柳問畫堂樂事燕鴻難偶十年漫回首但亭
亭紫蓋差差南斗傳聞小有種桃花親煩素手怪歸來
道骨仙風縹緲迥然非舊清晝江南如畫紫菊冬前
翠橙霜後扁舟渡口佳客至奉名酒喚青鸞起舞雲窗
月檻一曲山明水秀笑相看玉海別來淺如故否

又餞交代沈公雅臺山寺作繼作朝中措

攬垂楊細折有別情遺愛與君都說文茵帶瑯輓是行
春來處去年阡陌柔桑半葉轉風光輕颺秀麥正人家
共約耕相借牛社相留客清絕谿山猶記脫帽吟風
倚樓招月東君何事將春至放春歇道從今江上一花
一柳皆想油幢端節縱離愁瘦減腰圍帶金正擘

朝中措

山礬風味更梨花清白競春華試問西園清夜何如山
崦人家楚東干嶂吳江一棹雲路非賒惟有相思兩
地可憐澹月朝霞

又

燒燈已過禁煙前
春信遞相傳
柳暗乍迷津
霧花暄欲照江天
天涯賓主相逢老矣
一笑歡然
晚歲許同廬
社西風不買吳船

又乘風亭初成

長松擎月與天通
霜葉亂驚鴻
露炯乍疑杯
豔雲生似覺衣重
江南勝處青環楚嶂
紅半溪楓
倦客會應歸去
一亭長枕寒空

又

幾枝邛竹半煙雲
鐘鼓醉中聞
千點好山餘
思一灣流水能分
多情皓月輪
樓夜午光動風文
看取清閒賓主
猶勝富貴封君

又路彥豐生日

新涼谿閣暮山重水月共空濛
九轉不須塵外三峰只在壺中
他年盛業雲閒可望林下難逢
記取薌林巖洞何如於越秋風

又

西城煙霧一重重瀟灑便秋風
巧妒玉人妝髻無如禁鑰難通
新聲窈渺怨傳楚些嬌竝吳宮
夜久三星爲粲皓娥寧爲君容

新荷葉

欲暑還涼如春有意重歸春若歸
來任他鶯老花飛輕雷澹雨似晚
風欺得單衣檐聲驚醉起來新綠
成圍

回首分攜光風冉冉菲菲曾幾何時故山疑夢還非鳴
琴再撫將清恨都入金徽永懷橋下繫船谿柳依依

又

雨細梅黃去年雙燕還歸多少繁紅盡隨蝶舞蜂飛陰
濃綠暗正麥秋猶衣羅衣香凝沈水雅宜簾幕重圍
繡扇仍攜花枝塵染芳菲遙想當時故交往往人非天
涯再見悅情話景仰清徽可人懷抱晚期蓮社相依

又秀州作

玉井冰壺人閒有此清秋笑語雍容令從庭戶初修迎
風待月香凝處四捲簾鉤月波奇觀未饒當日南樓
聞說三吳江湖從古風流況有雙轡舊譜黃閣青油金

甌屢啟應難解久爲人留天池波豔可憐蘋滿汀洲

看花回張守生日

注目正江湖浩蕩煙雲離屬美人衣蘭佩玉澹秋水凝
神陽春翻曲烹鮮坐嘯清淨五千言自足橫劒氣南斗
光中浩然一醉引雙鹿回雁到歸書未續夢草處舊
芳重綠誰憶瀟湘歲晚爲喚起長風吹飛黃鵠功名異
時圯上家傳謝寵辱待封留拜公堂下授我長生籙

又爲壽

愛日報疏梅動意春前呼得畫棟曉開壽域度百和溫
馨霜華無力斑衣翠袖人面年年照酒色環四坐璧月
瓊枝恍然江縣擬鄉國聞道撫東巖舊迹又殊勝謝

家清逸知與桃花笑了定何似青鳥層城消息他年妙
高峰上優曇會堪折擁輕軒未妨遊戲看取朱輪十巖

麗蘊
居也

芟荷香席上用韻送程德遠罷金谿

燕初歸正春陰暗澹客意淒迷玉觴無味晚花雨退凝
脂多情細柳對沈腰渾不勝垂別袖忍見披披江南陌
上強半紅飛樂事從今一夢散縱錦囊空在金椀誰
揮舞裙歌扇故應閒鎖幽閨練江詩就算艤舟寧不相
思腸斷莫訴離杯青雲路穩白首心期

介庵琴趣外篇卷之二

趙彥端 德莊

垂絲釣於越亭路彥捷置酒同別富南叔

短篷醉艤江南秋意如水露草星明風柳絲委危檻倚
爲故人宴喜 歡無幾念青鞵紫綺論詩載酒猶勝心
寄雙鯉倦游晚矣雲路非吾事湖海從君意沙雁起記
夜闌隱几

又

暮愁有信全勝春夢無準篆縷欲消衣粉堪認殘夢醒
枕夜涼滿鬢 想香徑正垂垂美蔭晚花在否朱闌誰
與同凭斷雲怨冷青鳥無憑問紅葉翻成恨三五近試

預占破鏡

謁金門題扇

朱檻曲妝淺鬢雲吹綠半尺鵝谿涼意足手香霑柄玉
午夢已驚難續說與翠梧修竹蓬海路遙天六六乘
鸞何處逐

又

勞顧曲燕貢雅羞衣綠魯酒不能春味足小杯空薦玉
只願此歡常續莫序水邊絲竹明日朝參同趁六猶
期歸騎逐

又

休相憶明夜遠如今日樓外綠煙村冪冪花飛如許急

柳岸晚來船集波底斜陽紅濕送盡去雲成獨立酒
醒愁又入

又

春已半繡綠新紅如換燕子還來簾幕畔閒愁天不管
翠被曲屏香滿花葉彩牋人遠鵲喜蛛絲都未判連
環空約腕

又

春不盡處處與情相趁誰道劉郎家恁近一年花不問
雙翦畫羅春勝今夜月圓如鏡怎得酒闌心易定試
將金液鎮

又

春似繡不是別離時候滴盡黃昏殘刻漏月高花影晝
好在畫屏金獸深鎖粉窗蘭牖谿水南來堪問否幾
時離渡口

又

朱戶密鎖鎖一庭春日畫幕黃簾芳草碧游蜂初未識
脆管么絃無力青子綠陰如織花滿深宮無路入舊
游渾記得

又

春意密不受人閒風日一曲清歌雲暮碧尊前今夜識
醉客倦吟無力滯夢停愁如織只道桃源難再入有
人還問得

柳梢青生日

衰翁自謫堪笑忘了山林閒適一歲花黃一秋酒綠一番頭白浮生似醉如客問底事歸來未得但願長年故人相與春朝秋夕

又庚寅生日鉛山作

卮言日出天上漫試人閒無迹一笑歸來身如蟬蛻首如龜縮年年白酒黃花共願我光風霽月不道道人駸駸老去如何消得

又

荼蘼過也荼蘼過後無花堪折只有垂楊垂楊卻作絮驚行色海棠半在如無又爭倩薔薇戀得除是東風

隨君歸問玉堂消息

好事近

君莫厭江鄉也有茂林修竹竹外有些亭榭置酒尊棋局
棋神酒聖各成歡歡長更燒燭寄語故人鵬鸚任
傾金圍玉

又送林簿

君到共黃花君去早梅將發君不待梅歸去問與誰同
折白頭潘令一年秋有酒恨無客莫忘道山堂上話
清音風月

又盧簽判席上

草草復恁恁相見也還相憶記取夢魂詩思似水光山

色 清音堂下一扁舟誰主又誰客休厭一杯相勸看
梅梢將白

又晚集後園

尋得一枝春驚動小園花月把酒放歌添燭看連林爭
發 從今日日有花開野水釀春碧舊日愛閒陶令作
江南狂客

又白雲亭

風露入新亭看盡楚天秋色行到暮霞明處有金華仙
刻 孤城喬木墮荒涼白雲帶谿碧喚取小舟同醉話

江湖歸日

又蠟梅

一種歲前春誰辨額黃顚白風意只吟羣木與此花修
別此花佳處似佳人高情帶詩格君與歲寒相許有
芳心難結

又

朱戶閉東風春在小紅纖雪門外未寒猶暖怪有花堪
折梨花菊蕊不相饒嬌黃帶輕白莫厭醉歌相惱是
中原鄉客

又

日日念江東何有舊人重說二妙一時相遇怪尊前頭
白山城無物爲君歡薄酒待寒月草草數歌休笑似
主人衰拙

點絳脣路德友席上作

山水鄉中豈知還有中原笑醉歌傾倒記得昇平調
舊日年光試把華燈照心情好有些懷抱擬向梅花道

又冬至

一點青陽早梅初識春風面暖回瓊管斗自東方轉
白馬青袍莫作銅駝戀看宮線但長相見愛日如人願

又瑞香

護雨烘晴紫雲縹緲來深院晚寒誰見紅杏梢頭怨
絕代佳人萬里沈香殿光風轉夢餘千片猶恨相逢淺

又

秋入闌干亭亭波面虹千丈一聲漁唱畫箇三高樣

江上風波更泛吳松浪
寒潮漲石魚酒舫漫叟知何向
又題西隱

好在蒼苔摩挲遺恨風還雨
一涼相與片月生新浦
天外離居爲我蓀橈舉
山如許故人來否歲晚鱸堪煮
又

日暖風暄殿春瓊蕊依臺榭
雪堆花架不用丹青寫
瑩徹精神映月惟宜夜
幪香帕倩風扶下辟玉殘妝卸
又

漠漠春陰褪花時候餘寒峭
數聲啼鳥喚起簾櫳曉
雲鬢慵梳澹拂春山小
情多少亂縈愁抱風裏垂楊嫋
又

嫋嫋婷婷可人尤賽娘風韻花嬌玉潤一捻春期近
占路藏機已向棋中進俱休問酒旗花陣早晚爭先勝

介庵琴趣外篇卷之三

趙彥端 德莊

秦樓月詠瑞香

香簌簌小山叢桂烘溫玉烘溫玉酒愁花暗沈腰如束
煩君剩與陽春曲爲君細拂衾羅馥衾羅馥一春幽
夢與君相續

又

梅綴雪雪綴梅花肌膚愜肌膚愜豐姿濃態瑩如玉色
歲寒期約無相缺祥光不減晴空月晴空月依前消
瘦還共清絕

阮郎歸

歲寒堂下兩株梅商量先後開春前日繞一千回花來
春未來 冰可斷玉堪裁寒光無暖埃爲君翻動臘前
醅酒醒香滿懷

又

一春種得牡丹成那知君遽行東君也自沒心情夜來
風雨聲 追閒闊數清明不應歌渭城只愁河畔草青
青卻須離緒生

又餘干留別人家

三年何許競芳辰君家千樹春如今欲去復逡巡好花
留住人 紅蕊亂綠陰勻彩雲新又新只因小闕記情
親動君梁上塵

減字木蘭花贈摘阮者

四絃續續山水依然關塞足天上新聲謫墮人閒得自
名清歌宛轉彈向指閒依舊見滿眼春風不覺黃梅
細雨中

又

綠陰紅雨黯澹衣裳花下舞花月佳時舞破東風第幾
枝一杯相屬從地尊前三四燭酒盡花闌京洛風流
子細看

又

一年歌舞還是花黃尊綠處雨橫風多比似年時恨若
何簾深酒暖細雨斜風渾不管只有黃花欲近佳人

鬢畔鴉

又

送人南浦日日客亭風又雨相見如何梅子枝頭春已
多 眞成別去酒病明朝知幾許淋損宮袍都是人人
醉後嬌

又

屈亭湘浦怨盡朝雲還暮雨知是誰何賦得清愁爾許
多 愛來慵去此意平生成浪許著盡茸袍想像江梅
雪後嬌

又

亂雲縈浦做雪不成還是雨知我爲何一笑仍添一恨

多不須歸去琥珀杯深能幾許草色如袍記取從今
舞處嬌

菩薩蠻同飲晁伯如家席上和韓无咎韻

雪中梅豔風前竹詩緣漸與情緣熟醉眼眩成花惱伊
生臉霞巫雲將楚雨只恐翻然去我有合歡杯爲君
聊挽回

又

雨聲不斷垂檐竹清歌喚起清眠熟洞戶有餘花同傾
細細霞酒行如過雨雨盡風吹去吹去復盈杯一春
能幾回

又

繡羅裙上雙鴛帶年年長繫春心在梅子別時青如今
渾已成美人書幅幅中有連環玉不是只催歸要情
無斷時

又

倚闌閒撚生綃扇新涼庭戶微風轉疏雨斷檐聲澹雲
開晚晴蔗漿寒浸齒枕簟清如水相憶不勝愁月來
簾上鉤

又集句

青春背我堂堂去桃花亂落如紅雨是妾斷腸時芳心
空自持相思君助取脈脈如牛女天遠暮江遲今宵
歸不歸

又

扁舟又向蕭灘去危檣卻繫江頭樹風送雨聲來涼生
眞快哉 電光雲際掣白浪天相接不用怯風波風波
平地多

又

嬌花媚柳新妝靚裙邊微露雙鴛竝笑靨最多情春從
兩臉生 香羅縈皓腕翠袖籠歌扇餘韻遏雲低梁塵
簌簌飛

又

晚風斷送歸帆急重城回首天連碧猶有小樓情西山
如舊青 故園今漸近應卜燈花信一喜一牽縈平分

兩處心

又用三謝詩故人心尚遠故心人不見之句

故人心尚如天遠故心人更何由見腸斷楚江頭淚和
江水流 江流空袞袞淚盡情無盡不怨薄情人人情
逐處新

又瑞蔭秋望

小春愛日融融暖危亭望處晴嵐滿江靜綠回環橫陳
無際山 清霜欺遠樹黃葉風扶去試探嶺頭梅點紅
開未開

又可人梅軸

瓊英爲惜輕飛去可人妙筆移縑素瀟洒向南枝永無

開謝時

閨房難竝秀自是春風手何必問逃禪人閒

水墨仙

又韻勝竹屏

多情可是憐高節濤毫幻出真清絕雨葉共風枝天寒
人倚時蕭蕭襟韻勝堪與梅兄竝不用翠成林坡仙
曾賞音

又玉山道中

霜風落木千山遠護霜雲散晴曦暖瀟洒小旗亭山花
照眼明粉妝勻未了一捻春風小把酒恨恹恹深情
眉嬾中

又梅林渡

行舟蕩漾鳴雙槳江流爲我添新漲指顧隔汀洲人歸
心尙留陽關三疊舉怨抑離情苦何似莫來休不來
無許愁

又永州故人亭

故人話別情難已故人此別何時會江上駐危亭離懷
牽故情悠悠東逝水簇簇漁村市應記合江濱瀟湘
別故人

又春陵迎陽亭

西風又老瀟湘樹翩翩黃葉辭枝去斜日澹雲籠溪山
煙靄中危闌閒獨倚縠浪連天際殘角起孤城書空
征雁橫

又二月雪

東皇不受人閒俗爲嫌花柳紛紅綠特地悶春和連延
雪雨多梅梢封玉蕊春半開猶未還恐怨韶華吹絃
作柳花

又鑑止蓮花穿闌干開

水風葉底波光淺亭亭翠蓋紅妝面六月下塘春平鋪
雲錦屏露涼輕點綴綠映真珠袂渾似太真妃倚闌
嬌困時

介庵琴趣外篇卷之四

趙彥端 德莊

蝶戀花贈別趙邦才席上作

堂外谿橋楊柳畔滿樹東風更著流鶯喚時節清明寒
暖半秦箏欲妒歌珠貫一寸離腸無可斷舊管新收
盡記雙帷捲賴得今年春較晚送人猶有餘紅亂

又

雪裏珠衣寒未動雪後清寒驚損幽帷夢風撼海牛簾
幕重畫檐冰筋如流汞一穗香雲佳客共溜溜金槽
正爾新詞送酒戲詩鬪忘百中燭閒有箇人非眾
琴調相思引臨別餘干席上作

拂拂輕陰雨麴塵小庭深幕墮嬌雲好花無幾猶是洛陽春
燕語似知懷舊主水生只解送行人可堪詩墨和淚漬羅巾

又

曾躡姑蘇城上臺好山知有好人來幾回徙倚月裏暮
雲開閒倚和風干步柳倦臨殘雪一枝梅暖香高燭
翻動道人灰

杏花天

風韶雨潤催花候歎春恨年年常有桃蹊杏陌相期久
一爲東君試手 恁恁去那人信否襟淚漬粉香依舊
單衣煮酒重來後好與看承人瘦

又

當時眾裏聞新曲
拚一醉移舟喚燭清
波快送仙帆幅
十里披煙泛玉
誰知度春寒
夜燭常記恨
花闌漏促
西風渡口蓮堪束
一枕新涼會足

浣谿沙題扇

冰練新裁月見羞
墨花飛作澹雲浮
宜歌宜笑不妨秋
約腕半籠衫草碧
洗妝初失黛蛾愁
嫩涼輕暑奈風流

又

過雨園林綠漸濃
晚霞明處暮雲重
小橋東畔再相逢
睡起未添雙鬢綠
汗融微退小妝紅
幾多心事不言

又中

菊已開時梅未通似寒如暖意融融
情親語妙一杯中
歌舞欲來須更理林泉有樂正須同
好詩多味酒無

功

又爲五叔壽三月二十六日

渺渺東風泛酒船月華爲地酒爲川
春於紅藥更留連
雲路功名方步步草廬松竹自年年
他時人說二疏

賢

又

花下憑肩月下迎
避人私語臉霞生
畫堂紅燭意盈盈

明
病酒一春愁與睡倚闌終日雨還晴強移心緒作清

又辛卯會黃運屬席上作

人意歌聲欲度春春容溫暖勝於人勸君一醉酒如澠
塵
梅子枝頭應有恨柳花風底不堪嚙蓋公堂下淨無

虞美人九月飲乘風亭故基

煙空磴盡長松語佳處遺基古道入乘月又乘風未用
秋衣沈水換熏籠兩峰千澗依稀是想像詩翁醉莫
驚青蕊後時開笑倒江南陶令未歸來

又

凌虛風馬來無迹水淨山光出松閒孤鶴睡殘更喚起
緜簫飛去與雲平 新亭聊共豐年悅一醉中秋月江
山擬作畫圖臨樂府翻成終勝寫無聲

又罷官嘉禾張忠甫曾彥思諸公置酒舟中賦此

蘭畦梅徑香雲繞長恨相從少相從雖少卻情親不道
相從頻後是行人 行人未去猶清瘦想見相分後書
來梅子定嘗新記取江東日暮雨還雲

南鄉子同韓子東飲汪德召新樓

風露晚珊珊洛下湘中接佩環急把一杯相勞苦雲端
只恐冰肌亦自寒 二客共闌干激激鯨波吸未乾待
得月華移十丈乘歡更上層樓極處看

又

濃綠暗芳洲春事都隨芍藥休風雨只貪梅子熟颼颼
卻送行人一夜秋 新月幸如鉤三五還催玉鑑浮一
段離愁谿樣遠悠悠只是谿流淺似愁

又集句

窗戶映朝光花氣渾如百和香卽遣花飛深造次茫茫
曲渚飄成錦一張 相憶莫相忘竝蒂芙蓉本自雙草
色連雲人去住堪傷海上尖峰似劍鉞

又

元夜景尤殊萬斛金蓮照九衢鼔拍鼓湯都賣得爭如
甘露杯中萬顆珠 應是著工夫腦麝濃熏費小厨不

比七星黃蠟做知無耍底圓兒糖上浮

畫堂春飲趙淵卿容光堂

倡條繁蒂綠層層解衫扶醉同登暝雲無樹亦峻嶒紅
袖深憑 病思去春饒睡醉魂因酒思冰夜涼星斗挂
修疊歌盡香凝

又

滿城風雨近重陽夾衫清潤生香好辭賡盡楚天長喚
得花黃 客勝不知門陋酒新如趁春狂故人相見等
相忘一語千觴

滴滴金送路彥捷儀真

澄谿暝度輕澌白對平湖澹煙隔我與征鴻共行人更

張燈留客 東園半是餘花迹
料仙帆到時發若倚江樓
望清淮爲殷勤鄉國

青玉案 贈勉道琵琶人

當年萬里龍沙路 載多少離愁去
冷壓層簾雲不度 芙蓉雙帶垂楊
嬌髻絃索初調處 花疑玉立東風暮
曾記江邊麗人句 異縣相逢能幾許
多情誰料琵琶洲畔 同醉清明雨

沙塞子

春水綠波南浦漸理棹 行人欲去黯消魂
柳上輕煙花梢微雨 長亭放棹無計住
但芳草迷人去路 忍回頭 斷雲殘日長安何處

臨江仙和洪景廬送行韻

憶著舊山歸去樂松筠歲晚參天老來慵似柳三眠從
教官府冷甘作地行仙青瑣紫微追昨夢扁舟已具
猶憐有情如酒月如川爲君忘飲病更擬索茶煎

又席上次元明韻

潦水似譏酒淺秋雲如妒蟾明幽人聞雁若聞鶯更長
端有意菊晚近無情詩學笑中偷換燭花醉裏頻傾
羅衣迴立可憐生五湖雖好在客意欲登瀛

介庵琴趣外篇卷之五

趙彥端 德莊

鷓鴣天 白鷺亭作

天外秋雲四散飛，波閒風艇一時歸。他年淮水東邊月，猶爲登臨替落暉。誇客勝，數星稀。晚寒拂拂動秋衣。酒行不盡清光意，輸與漁舟睡釣磯。

又送王漕侍郎奏事

渺渺東風拂畫船，不堪臨雨落花前。清歌只擬留春住，好語頻聞有詔傳。秦望月，鏡湖天。養成英氣自當年。兩山總是經行處，獻納雍容定幾篇。

又爲韓漕无咎壽

憶醉君家倚翠屏
年年相喜鬢毛青
誰知緩步從天下
猶許清彈此地聽
揮羽扇寫鵝經
使星何似老人星
幾時一試薰風手
今日桐陰又滿庭

又上元孫長文郎中坐上次仲益尚書贈玉奴韻

拂拂深帷起暗塵
清歌暖響自回春
月如燈市雲閒墮
人對梅花雪後新
杯掌露舞衣雲
酒慵微覺翠鬢傾
洞房不厭陽臺雨
乞與游人弄晚晴

又壬辰豫章惠月佛閣

煙靄空濛江上春
夕陽芳草渡頭情
飛紅已逐東風遠
嫩綠還因夜雨深
情脈脈思沈沈
捲簾愁與暮雲平
闌干倚徧東西曲
杜宇一聲腸斷人

又豫章大閱

玉帶紅靴供奉班，裏頭新樣總宜男。
鬪裝鞍轡青驄馬，帖體衣裳紫窄衫。
雲鬢重黛眉彎，內家妝束冠江南。
輕裘緩帶風流帥，錦繡叢花擁騎還。

又揖翠晚望

榕葉陰陰未著霜，淺寒猶試夾衣裳。
霧濃煙重遙山暗，雲暗天低去水長。
風淅瀝，景淒涼，亂鴉聲裏又斜陽。
孤帆落處驚鷗鷺，飛映書空雁字行。

又七夕

一葉驚秋風露清，砌蛩初聽傍窗聲。
人逢役鵲飛烏夜，橋度牽牛織女星。
銀漢澹暮雲輕，新蟾斜挂一鉤明。

人閒天上佳期處涼意還從過雨生

又桐江舟中應叔索賦

風定江流似鏡平斜陽天外挂微明雲歸遠岫千山暝
霧映疏林一抹橫漁火細釣絲輕黃塵撲撲漫爭榮
何時了卻人閒事泛宅浮家過此生

又贈妙惠

妙曲清聲壓楚城蕙心蘭態見柔情凌波穩稱金蓮步
蘸甲從教玉筍斟歌緩緩笑吟吟向人真處可憐生
仙源幸有藏春處何事乘風逐世塵

又丁巳除夕

爆竹聲中歲又除頓回和氣滿寰區春風解綠江南樹

原书缺页

原书缺页

不與人閒染白鬚
殘蠟燭舊桃符
寧辭末後飲屠蘇
歸歟幸有園林勝
次第花開可自娛

清平樂建安泛舟作

新寒一段變盡人閒
暖說與羣花花不管
只有江梅情亂
江梅也似山人
山人到老梅親
抖擻衣冠氣象百
般歸去精神

又席上贈人

桃根桃葉一樹芳
相接春到江南
三二月迷損東家蝴蝶
殷勤踏取青陽風
前花正低昂
與我同心
梔子報君百結丁香

眼兒媚建上作

儂家風物似山家
梅老鬢絲華幾回
記得攀翻琪樹醉
帽欹斜
冷香不斷春千里
歸路本非賒
有人卻道使
君猶健看徧餘花

永遇樂陪程金谿躍馬用其韻

杜曲桑麻灞橋風雪歸夢無路馬健凌秋人閒玩日聊
用寬遲暮搖搖羽扇翩翩鳧舄勝處恍疑仙去笑相看
風林露草古來有誰知趣黃公壚下山陰亭畔歲月
著鞭如驚出塞功名入關游說紙上俱難據論詩說劍
尊前風味天巧卻容人觀問少陵酣歌拓戟爲誰獻賦
訴衷情雨中會飲賞梅燒燭花抄

洗妝傲舞傍清尊
霏雨澹黃昏
殷勤與花爲地燒燭助

微温 松半嶺竹當門意如村明朝酒醒桃李漫山心
事誰論

又

江梅初試兩三花人意競年華春工未敢輕放深院擁
吳娃 翻酒戲醉人家舊生涯而今且趁便面斜陽莫
照紅紗

又鑑止初夏

清和時候雨初晴密樹翠陰成新篁嫩搖碧玉芳徑綠
苔深 雛燕語乳鶯聲暑風輕簾旌微動沈篆煙消午
枕餘清

又蒲中酌獻白湖靈惠妃三首

神功聖德妙難量
靈應著莆陽
湄洲自昔仙境宛在水
中央
孚惠愛備祈禳
降嘉祥
雲車風馬胥饗來
歆桂
酒椒漿

又

茫茫雲海浩無邊
天與水相連
舳艫萬里來往有禱必
安全
專掌握雨暘
權屢豐年瓊卮玉醴饗此精誠福
慶緜緜

又

威靈千里護封圻
十萬戶歸依
白湖宮殿雲聳香火盡
虔祈
傾壽酒誦聲詩
諒遙知民康俗阜
雨潤風滋功
與天齊

千秋歲

杏花風下獨立春寒夜微雨度疏星挂暉暉濃豔出嫋
嫋繁枝亞朱檻倚輕羅醉裏添還卸寂寞情猶乍悵
望驂鸞駕衣褪玉香欺麝一花拚一醉杯重憑誰把春
去也重簾翠幕人如畫

風入松杏花

傳聞天上有星榆歷歷誰居澹煙暮擁紅雲暖春寒乍
有還無作態似深仍淺多情要密還疏移尊環坐足
相娛醉影憑扶江南歸到雖憐晚猶勝不見踟躕儘拚
綠陰青子憑肩攜手如初

茶瓶兒上元

澹月華燈春夜送東風柳煙梅麝寶釵宮髻連嬌馬似
記得帝鄉游冶 悅親戚之情話況谿山坐中如畫凌
波微步人歸也看酒醒鳳鸞誰跨

祝英臺近

獸金寒簾玉潤梅雪印苔絮春意如人易散苦難聚幾
多絲竹深情池塘幽夢猶倚賴與春同住 舊游處誰
喚別浦仙帆風前問征路煙雨連江吹恨正無數莫教
紫燕歸來彩雲開後空悵望主人輕去

五綵結同心爲淵卿壽

人閒塵斷雨外風回涼波自泛仙槎非郭還非野閒鶯
燕時傍笑語清佳銅壺花漏長如線金鋪碎香暖檐牙

誰知道東園五畝種成國豔天葩 主人漢家龍種正
翩翩迴立雪紵烏紗歌舞承平舊圍紅袖詩興自寫春
華未知三斗朝天去定何似鴻寶丹砂且一醉朱顏相
慶共看玉井浮花

介庵琴趣外篇卷之六

趙彥端 德莊

月中仙送杜仲微赴闕

露醕無情送長歌未終已醉離別何如暮雨釀一襟涼
潤來留住客好山侵坐碧勝昨夜疏星澹月君欲翩然
去人閒底許員嶠問帆席詩情酒病非疇昔賴親朋
對影且慰良夕風流雨散定幾回腸斷能禁頭白爲君
煩素手薦碧藕輕絲細雪去去江南路猶應水雲秋共
色

滿庭芳

道中憶錢塘舊游

雲暖萍漪雨香蘭徑西湖二月初時兩山十里錦繡照

金羈柳外闌干相望弄東風倚徧斜暉朋游好亂紅堆
裏一飲百篇詩三年江上夢青衫風日白紵塵泥聽
幾聲黃鳥粵樹閩溪長是春朝多病今年更添得相思
須歸去倦游滋味猶有箇人知

水龍吟

春谿漠漠如空望中只與新愁去何知尙有煙中餘怨
洛津閒賦已瘦難豐久離重見好春如許念海棠未老
荼蘼欲吐且莫恨風兼雨休問無情水驛載幽懷小
橈輕艣君看睡起平階柳絮入門花霧才盡無奇客殘
如掃一尊誰舉悵行雲斷後祇應夢裏有澄江句

如夢令
荼蘼

鴛瓦初凝霜粟冰筍旋裁春玉巧思化東風喚省蕊紅
枝綠清淑清淑會有蜂棲蝶宿

又

嫩柳眉梢輕蹙細草煙凝堪掬爭似小桃穠酒入香肌
紅玉清馥清馥不覺花闌漏促

瑞鷓鴣爲嬾壽

芙蓉池館一重重留得黃花壽斝中春到小春如有信
日臨良日正相同芝蘭美應瑤階瑞蘋藻香吹翠沼
風此夜隔牆聞鳳管人閒元自勝蟾宮

蕊珠閑

浦雲融梅風斷碧水無情輕度有嬌黃上林梢向春欲

舞綠煙迷晝淺寒欺暮不勝小樓凝佇倦游處故人
相見易阻花事從今堪數片帆無恙好在一篙新雨醉
袍宮錦畫羅金縷莫教恨傳幽句

念奴嬌

雨斜風橫正詩人閒倦淮山清絕彈壓秋光江萬頃只
欠凌波羅襪好事幽人憐予止酒著意溫瓊雪翠帷低
捲怪來飛墮初月涼夜華宇無塵舞裙香漸暖錦茵
聲闕不分金蓮隨步步誰遣芙蓉爭發賴得高情湘歌
洛賦稱作西風客爲君留住不然飄去雲闕

鵲橋仙

來時夾道紅羅步障已換青絲翠羽春愁元自逐春來

卻不肯隨春歸去 千觴美酒十分幽事歸到只愁風
雨憑誰傳語牡丹花爲做取東君些主

又正月二十三日秀野堂作

江梅仙去臘梅風化只有緜梅呈秀不知春在阿誰邊
試與問青青楊柳 小園幽事中都風味鬪草分香依
舊東風莫漫送扁舟爲管取輕寒羅袖

又送路勉道赴長樂

留花翠幕添香紅袖常恨情長春淺南風吹酒玉虹翻
便忍聽離絃聲斷 乘鸞寶扇凌波微步好在清池涼
館直饒書與荔枝來問纖手誰傳冰椀

又二色蓮

藕花塘上無塵無暑豔豔一池秋韻綠羅寶蓋碧瓊竿
翠浪裏亭亭月影一家姊妹兩般梳洗濃澹施朱傅
粉夜深風露逼人寒問誰在牙牀酒醒

憶少年

逢春如酒逢花如露逢人如玉東風送寒去蔚温温香
穀海上三山元似粟試招來共藏金屋與君醉千歲
看人閒新綠

桃源憶故人

修檐墮玉欺窗竹獨坐冷雲堆屋此味與誰同宿幾寸
東齋燭煙鬢霧鬢春山曲好夢淺愁相續那慰沈腰
如束歌意燈前足

惜分飛送江鳴玉歸烏鰲

相與十年親且舊一笑天涯攜手霜際寒雲逗去年情
味君思否遠水無情冰不就好在尊前眉岫腸斷東
南秀澹煙疏月梅時候

絳都春別張子儀

平生相遇算未有笑語閩山佳處舊日文章如今風味
都如許眼前都是蓬萊路但莫道有人曾住異時天上
種種風流待君如故此自君家舊物看九萬清風爲
君掀舉舉上青雲卻憶梅花如舊否故人衰病今無緒
只種得梅花如圃待君一過山家共斟露醕

小重山

春日歸來如許長不知償此意幾何觴老人臨酒興猶
狂溪山主終不道山王一雨罷爭桑平生歡喜處是
吾鄉與君花底共風光春莫笑花不似人香

隔浦蓮

西風吹斷夢草來度芙蓉老坐上人誰在晨參疏影相
照幽館寒意早檐聲小醉語秋屏曉□□□相攜勝
處黃花香滿烏帽如今將見璧月瓊枝空好準擬新歌
待見了不道些兒心事還惱

賀聖朝

一江風月同君住了不知秋去賞心亭下過帆如馬墮
楓如雨相將莫問興亡舊事舉離觴誰訴垂楊指點

但歸來有溫柔佳處

又梅

半林脫葉羣芳息有一枝先白孤標疏影壓花叢更清
香堪惜吟情無盡賞音未已早紛紛藉藉想貪結子
去調羹任叫雲橫笛

生查子

翻翻別袖風醉眼迷殘日春色蕩人魂楊柳渾無力
不知長短亭何處逢寒食多少向來情門掩梨花夕
又宜春禮賓亭

梅從隴首傳柳向郵亭折鴛瓦曉霜濃掠面凝寒色
相逢意便親欲去如何說我亦是行人更與行人別

又萍鄉陽春亭

千山擁翠屏一水縈羅帶
雨過水痕添雲散山容在
亭高景最幽天迴風尤快
啼鳥一聲閒喚起情無奈

又

遲遲春晝長冉冉東風軟
寒食乍晴天紅紫芳菲徧
前峰積翠橫新漲撥藍遠
向晚澹煙迷一段屏山展

又鐵鑪岡回

春光不肯留風雨催將去
紅逐故園塵綠滿江南樹
陰晴寒食天寂寞西郊路
芳草織新愁悵望人何處

又

庭虛任雀喧院靜無人到
回首十年非賴得知幾早

心隨香篆消意與梅花好萬事轉頭空一笑吾身老

思佳客令

天似水秋到芙蓉如亂綺芙蓉意與黃花倚
歷歷黃花矜酒美清露委山閒有箇閒人喜

卜筭子集句

脈脈萬重心相望何時見強半春寒去卻來野水差新
燕遠負白頭吟坐惜紅顏變欲問平安無使來日落
庭花轉

又五石道中

晴日斂春泥陌上東風軟料峭寒侵花柳閒枉恨春工
淺綠漲一江深黛潑千山遠目斷平蕪無際愁數盡

征鴻點

又

楊柳褪金絲
豔杏搖紅影
欲雨還晴
二月天
春色渾無
定曉夢不堪驚
午晝新來
永一掬歸心
萬疊愁空惹
長亭恨

介庵琴趣補

念奴嬌 建安餞交代沈公雅

棠陰綠徧正金菊芙蓉爭放時節滿路歌謠民五袴底
事鋒車催發結綵成門攀轅臥轍何計留連得故園花
柳盡成憔悴難說今夜祖席郵亭主人來日已是朝
天客旌旆恩恩從此去口賞西湖風月眷戀無因笑啼
不敢那忍傷輕別瀛洲難駐一杯聊送行色

點絳脣 途中逢管倅

憔悴天涯故人相遇情如故別離何遽忍唱陽關句
我是行人更送行人去愁無據寒蟬鳴處回首斜陽暮
轉調踏莎行 路宜人生日

宿雨纔收餘寒尙力牡丹將綻也近寒食人閒好景算
仙家也惜因循盡掃斷蓬萊迹 舊日天涯如今咫尺
一月五番口共歡集些兒壽酒且莫留半滴一百二十
箇好生日

瑞鶴仙

氣佳哉壽域正曉松呈翠早梅施白良辰值良月看景
星朝覩洗空霜潔珍圖瑞牒仰天心鍾在俊傑向人閒
化作如膏甘雨莫放春歇 堪憶三吳樂事畫戟凝香
舞衣回雪風流勝絕尊中酒坐中客問今年何事騎鯨
南去久矣湘楓下葉早歸來應取千齡鳳池舊列
看花回

端有恨留春無計花飛何速檻外青青翠竹鎮高節凌
雲清陰常足春寒風袂帶雨穿窗如利鏃催處處燕巧
鶯慵幾聲鉤輞叫雲木看波面垂楊蘸綠最好是風
流煙沐陰重重簾未捲正泛乳新芽香飄清馥新詩惠
我開卷醒然欣再讀歎詞章過人華麗擲地勝如金玉
好事近

一沮寄江千十載山青水碧山水大無餘意有故情難
識故情難識有誰知衣殘更頭白別後是人安穩只
楚吳行客

賀聖朝

河陽桃李開無數待成春歸去小園幾日忽驚飛恨主

人難駐 雛鶯乳燕愁悲語道留君不住願君隨處作
東風與羣花爲主

浣溪沙 張宜興生日

花縣雙鳧縹緲仙家庭椿樹正蒼然斑衣舉酒大人前
嫋嫋涼風供扇枕悠悠飛露濕叢萱醉扶黃髮弄曾

立

又

水到桐江鏡樣清有人還似水清明尊前無語更盈盈
翠袖舞衫何日了白頭歸去幾時成老來猶有惜花

情

菩薩蠻

佩環解處妝初了翠蛾玉面金鈿小萼綠本仙家天香
誰似他芳心真耐久度月長相守歲晚未能忘相期
雲水鄉

眼兒媚

王漕赴介庵賞梅

黃昏小宴使君家梅粉試春華暗香素蕊橫枝疏影月
澹風斜更燒紅燭枝頭挂粉蠟鬪香奢元宵近也小
園先試火樹銀花

江城子

上張帥

春風旗鼓石頭城急麾兵斬長鯨緩帶輕裘乘勝討蠻
荆螳聚蜂屯三十萬爭面縛向行營舳艫千里大江
橫凱歌聲犬羊驚尊俎風流談笑酒徐傾北望旄頭今

已滅河漢澹兩台星

西江月爲壽

擣玉揚珠萬戶嫵眉高髻千峰佳辰請壽黑頭公老稚
扶攜歡動借問優游黃綺何如強健夔龍觥船一棹
百分空澆潑胸中雲夢

千秋歲外姑生日

柏舟高躅晚歲宜遐福門戶壯疏湯沐青袍圍白髮瑞
錦纏犀軸仙桂長交柯卻映蟠桃熟縹緲長生曲入
破笙簫逐香霧薄霏華屋玉鈎涼月挂水麝秋蕖馥千
萬壽酒中倒臥南山綠

虞美人

斷蟬高柳斜陽處
池閣絲絲雨
綠檀珍簾捲
猩紅屈曲
杏花蝴蝶小屏風
春山疊疊秋波慢
收拾殘針線
又成嬌困倚檀郎
無事更拋蓮子打鴛鴦

又劉帥生日

疏梅澹月年年好
春意今年早
迎長時節
近佳辰
看取
袞衣黃髮畫麒麟
酒中倒臥南山綠
起舞人如玉
風流椿樹可憐生
長與柳枝桃葉共青青

瑞鷓鴣

榴花五月眼邊明
角簾流冰午夢清
江上扁舟停畫槳
雲閒一笑濯塵纓
主人杯酒留連意
倦客關河去住
情都付郵亭
今日水伴人東去
到江城

豆葉黃

粉牆丹柱柳絲中
簾箔輕明花影重
午醉醒來一面風
綠蔥蔥幾顆櫻桃葉底紅

念奴嬌

中秋

姮娥萬古筭清光
常共山青水綠
我欲蓬萊風露頂
渺視寰瀛一粟
攜手羣仙廣寒遊戲
玉砌琉璃屋歸來一
笑葛陂還訪騎竹
此夕縱飲清歡
吸寒輝萬丈快如
飛瀑傾倒銀河
斟斗杓莫問人間榮辱
獨倚闌干浩歌
長嘯驚墮雲飛
鵠亂呼蟾兔
擣霜爲駐顏玉

水調歌頭

山色望中好
氣□□□連峰疊巘
極目高下與雲平

三洞沈沈何處玉清洞在溪水中隱映一谿煙樹倒影碧波□

喚起驂鸞客丹竈夜光橫□□捲風□□□明佳

人爲我垂手淒怨理秦箏千載虹橋新路依約慢□歌

舞一醉話浮生但得尊盈酒莫問世閒名

臨江仙賞芙蓉

十載長安桃李夢年來鏡淨塵空忽傳彩筆小牋紅滿
懷秋思傾倒爲芙蓉莫恨霜濃開較晚尊前元有春
風酣嬌肯爲別人容試攜銀燭斜照綠波中

喜遷鶯

登山臨水正桂嶺瘴開蘋洲風起立鶴高翔蒼鷹遠擊
白鷺欲飛還止江上澄波似練沙際行人如螳目斷處

見遙峰蹙翠殘霞浮綺 千里關塞遠雁陣不來猶把
闌干倚數疊悲笳一行征旆城郭幾番成毀白塔前朝
陵寢青嶂故都營壘念往事但寒煙滿目秋蟬盈耳
鷓鴣天羊城舊名京口天下最號都會風軒月館豔姬

角妓倍於他所人以羣仙目之因列十名於後

各賦一闋

第十吳玉拂拂深帷起暗塵一闋
見卷五惟係次韻恐非一時之作

蕭秀

有女青春正及笄蕊宮仙子下瑤池簫吹弄玉登樓月
絃撥昭君未嫁時 雲體態柳腰肢綺羅活計強偎隨
天教謫入羣花苑占得春風第一枝

又蕭瑩

花動儀容玉潤顏溫柔嫋娜趁幽閒盈盈醉眼橫秋水
澹澹蛾眉抹遠山膏雨霽曉風寒一枝紅杏拆朱闌
天台迴失劉郎路因憶前緣到世閒

又歐懿

月晃金□雲□梳素娥何事下天衢翩翩舞袖穿花蝶
宛轉歌喉貫素珠簾翡翠枕珊瑚錦衾冰簟水紋鋪
春光九十羊城景百紫千紅總不如

又桑雅

雲暗青絲玉瑩冠笑生百媚入眉端春深芍藥和煙拆
秋曉芙蓉破露看星眼俊月眉彎舞狂花影上闌干
醉來直駕仙鸞去不到銀河到廣寒

又劉雅

醉撚花枝舞翠翹十分春色賦妖嬈千金笑裏爭檀板
一搦纖圍閒舞腰行也媚坐也嬌乍離銀闕下青霄
檀郎若問芳笄記二月和風弄柳條

又歐倩

梅粉新妝閒玉容壽陽人在水精宮浴殘雨洗梨花白
舞轉風搖菡萏紅雲枕席月簾櫳金鑪香噴鳳幃中
凡材縱有凌雲格肯學文君一旦蹤

又文秀

綽約嬌波二八春幾時飄謫下紅塵桃源寂寂啼春鳥
蓬島沈沈鎖暮雲丹臉嫩黛眉新肯將朱粉汙天真

楊妃不似才卿貌也得君王寵愛勤

又王婉

未有年光好破瓜綠珠嬌小翠鬟了清肌瑩骨能香玉
豔質英姿解語花 釵插鳳鬢堆鴉舞腰春柳受風斜
有時馬上人爭看擘破紅窗新絳紗

又楊蘭

兩兩青螺縮額傍彩雲齊會下巫陽俱飛蛺蝶元相逐
竝蒂芙蓉本自雙 翻綵袖舞霓裳點風飛絮恣輕狂
花神只恐留難住早晚承恩入未央

又總詠

一簇神仙會見奇漫誇蘇小與西施憐輕鏤月爲歌扇

喜薄裁雲作舞衣
牙板脆玉音齊
落霞天外雁行低
看看各得風流侶
回首乘鸞舊路歸

介庵琴趣外篇校記

卷之一

菱荷香

披披

毛子晉刻介庵詞作離披夢散按二字疑衍其一

卷之二

謁金門

勞顧

燕貢

按貢字疑誤

點絳脣

日暖

以下三首並見趙師俠

又

曾無玷觀沈賽娘棋

卷之三

阮郎歸

寒歲

寒光

介庵詞光作空

減字木蘭花

屈亭

想像

介庵詞像作見

菩薩蠻

扁舟

以下十三首並見自豫章檄歸

又霜眉
無
原
本
眉
作
媚

又行舟
未
有
寄
興
伯
三
字

又故人
和
聖
徒
坦
庵
詞
題
末
有

又東皇
首
有
辛
亥
二
字

卷之四

南鄉子
元夜
見
坦
庵
詞
題
作

卷之五

鷓鴣天
煙
靄
以
下
七

又風定
題
桐
江
作
湘
江

眼兒媚
介
庵
詞
題
建

訴衷情
清
和
以
下
四

千秋歲

褪玉

原本玉字脫

卷之六

鵲橋仙

花留

玉虹

按虹疑

絳都春

半林

都如許

見坦庵詞

賀聖朝

作和宗

見坦庵

詞題

生查子

梅從

以下五

首竝見坦庵詞

又

千山

原本題

陽

又

春光

坦庵詞

題

卜筭子

晴日

以下二

首竝見坦庵詞

又

楊柳

坦庵詞

題作

補

丙午春即席和從善

好事近

一沮

按沮字疑誤

鷓鴣天

登樓月

按月疑日誤

介庵琴趣外篇六卷汪闃源藏舊鈔本蓋黃氏士禮
 居故物也毛子晉刊介庵詞一卷為琴趣所不載者
 三十三首而琴趣增多之四十首則三十六首見趙
 師俠坦庵詞子晉跋稱曾見琴趣外篇章次顛倒屢
 作頗多殆以雜見坦庵詞中故為此語介庵宦游多
 在湘中暨閩山贛水閒坦庵蹤迹頗同編者於二家
 詞未能一一抉別似未可遽以屢作擯之子晉又言
 介庵席上贈人清平樂昔人稱為集中之冠琴趣逸
 去以為坊本亂真而是編載之則又非子晉所見矣

今粗校條記如右惜子晉所藏寶文
原作文寶誤雅詞四
卷未得寓目耳丁巳重九朱孝臧

子介
林

竹屋癡語目錄

齊天樂 三

玉樓春 四

玉蝴蝶

臨江仙 二

金人捧露盤 三

鳳棲梧 三

賀新郎

喜遷鶯 二

菩薩蠻 六

青玉案

醉落托

夜合花

花心動

昭君怨

杏花天 四

祝英臺近 二

江城子

生查子 六

解連環 二

燭影搖紅

憶秦娥 二

清平樂 二

更漏子

東風第一枝 二

攤破浣溪沙

浣溪沙 五

蘭陵王 二

水龍吟 三

聲聲慢

隔浦蓮

思佳客 六

永遇樂

玲瓏四犯

御街行 二

霜天曉角 三

眼兒媚

卜算子

西江月

點絳脣 二

踏莎行 二

戀繡衾

風入松 二

南鄉子

柳梢青

訴衷情

滿江紅

謁金門

太常引

意難忘

八歸

洞仙歌

少年遊

夜行船

酹江月

留春令

浪淘沙

雨中花

瑞鶴仙

四

竹屋癡語

山陰 高觀國 寶王

齊天樂

碧雲闕處無多雨，愁與去帆俱遠。倒葦沙閒，枯蘭澹冷，寥落寒江秋晚。樓陰縱覽，正魂怯清吟，病多依黯。怕挹西風，袖羅香自去年減。風流江左久客，舊遊得意處，朱簾曾卷。載酒春情，吹簫夜約，猶憶玉嬌香軟。塵棲故苑，歎璧月空簷，夢雲飛觀。送絕征鴻，楚峰煙數點。

又菊

叢幽一笑東籬曉，霜華又隨香冷。暈色黃嬌，低枝翠婉，來趁登高佳景。誰偏管領，是彭澤歸來，未荒三徑。最愜

清觴道家標致自風韻
南山依舊翠倚採花無限思
西風吹醒萬蕊金寒三秋夢好曾記餐英清詠爛斑淚
沁怕節去蜂愁雨荒煙暝明日重陽爲誰簪短鬢

又中秋夜懷梅溪

晚雲知有關山念澄霄卷開清霽素景分中冰盤正溢
何啻嬋娟千里危闌靜倚正玉管吹涼翠觴留醉記約
清吟錦袍初喚醉魂起孤光天地共影浩歌誰與舞
淒涼風味古驛煙寒幽垣夢冷應念秦樓十二歸心對
此想斗插天南雁橫遼水試問姮娥有誰能爲寄

玉樓春擬宮詞

幾雙海燕來金屋春滿離宮三十六春風翦草碧纖纖

春雨浥花紅撲撲
衛姬鄭女腰如束
齊唱陽春新製
曲曲終移宴起
笙簫花下晚寒生
翠縠

又海棠題寅齋挂軸

燕脂染出春風錦
生怕黃昏人有恨
雨難揩淚玉環嬌
煙不遮愁紅袖冷
醉魂吹斷香魂靜
拂拂翠眉羞帶粉
最憐新燕識風流
只爲春寒消瘦損

又

多時不踏章臺路
依舊東風芳草渡
鶯聲喚起水邊情
日影炙開花上霧
謝娘不信佳期誤
認得馬嘶迎繡戶
今宵翠被不春寒
只恐香穠春又去

又

春煙澹澹生春水曾記芳洲蘭棹艤岸花香到舞衣邊
汀草色分歌扇底棹沈雲去情千里愁壓雙鴛飛不
起十年春事十年心怕說湔裙當日事

玉蝴蝶

喚起一襟涼思未成晚雨先做秋陰楚客悲殘誰解此
意登臨古臺荒斷霞斜照新夢黯微月疏砧總難禁盡
將幽恨分付孤斟從今倦看青鏡既遲勳業可負煙
林斷梗無憑歲華搖落又驚心想萼汀水雲愁疑閒蕙
帳猿鶴悲吟信沈沈故園歸計休更侵尋

臨江仙東越道中

俱是洛陽年少客才華迴出天真青衫慣拂輓紅塵酒

狂因月舞詩俊爲梅新
寄語長安風月道鶯花緩作
青春披風沐露問前津
客中春不當歸去倍還人

又

風月生來人世夢
魂飛墮仙津
青春日日醉芳塵
一鞭花陌曉雙槳
柳橋春前度詩留醉袖
昨宵香浥羅巾
小姬飛燕是前身
歌隨流水咽眉學遠山顰

金人捧露盤水仙花

夢湘雲吟湘月弔湘靈
有誰見羅襪塵生
凌波步弱背人羞
整六銖輕娉娉嫋嫋
暈嬌黃玉色輕明
香心靜波心冷
琴心怨客心驚
怕佩解卻返瑤京
杯擎清露醉春蘭
友與梅兄蒼煙萬頃
斷腸是雪冷江清

又梅花

念瑤姬翻瑤佩下瑤池冷香夢吹上南枝羅浮夢杳憶
曾清曉見仙姿天寒翠袖可憐是倚竹依依溪痕淺
雲痕凍月痕澹粉痕微江樓怨一笛休吹芳音待寄玉
堂煙驛雨淒迷新愁萬斛爲春瘦卻怕春知

又

楚宮閒金成屋玉爲闌斷雲夢容易驚殘驪歌幾疊至
今愁思怯陽關清音恨阻抱哀箏知爲誰彈年華晚
月華冷霜華重鬢華斑也須念閒損雕鞍斜緘小字錦
江三十六鱗寒此情天闊正梅信笛裏關山

鳳棲梧

雲喚陰來鳩喚雨謝了江梅可踏江頭路拚卻一番花
信阻不成日日春寒去見說東風桃葉渡岸隔青山
依舊修眉嫵歸雁不如箏上柱一行常見相思苦

又題巖室

巖室歸來非待聘渺渺千崖漠漠江千頃明月清風休
弄影只愁踏破蒼苔徑摘取香芝醫鶴病正要臞仙
相伴清閒性朝市不聞心耳靜一聲長嘯煙霞冷

又湖頭卽席長翁同賦

西子湖邊眉翠嫵魂冷孤山誰是風煙主相喚吟詩天
欲雨嫩涼不隔鷗飛處移下天孫雲錦渚翠蓋牽風
綽約凌波女清約已成君記取月明夜半魚龍舞

賀新郎賦梅

月冷霜袍擁見一枝年華又晚粉愁香凍雲隔溪橋人不度的樂春心未縱清影怕寒波搖動更沒纖毫塵俗態倚高情預得春風寵沈凍蝶挂么鳳一杯正要吳姬捧想□□柔酥弄白暗香偷送回首羅浮今在否寂寞煙迷翠攏又爭柰桓伊三弄開徧西湖春意爛算羣花正作江山夢吟思怯暮雲重

喜遷鶯代人弔西湖歌者

歌音淒怨是幾度訴春春都不管感綠驚紅顰煙啼月長是爲春消黯玉骨瘦無一把粉淚愁多千點可憐損任塵侵粉蠹舞裙歌扇轉盼塵夢斷峽裏雲歸空想

春風面燕子樓空玉臺妝冷湖外翠峰眉淺綺陌斷魂
名在寶篋返魂香遠此情苦問落花流水何時重見

又

涼雲歸去再約著晚來西樓風雨水靜簾陰鷗閒菰影
秋到露汀煙浦試省喚回幽恨盡是愁邊新句倦登眺
動悲涼還在殘蟬吟處 淒楚空見說香鎖霧扃心似
秋蓮苦寶瑟彈冰玉臺窺月淺澹可憐偷聚幾時翠溝
題葉無復繡簾吹絮鬢華晚念庾郎情在風流誰與

菩薩蠻

春風吹綠湖邊草春光依舊湖邊道玉勒錦障泥少年
遊冶時 煙明花似繡且醉旗亭酒斜日照花西歸鴉

花外啼

又蘇隄芙蓉

紅雲半壓秋波碧
豔妝泣露嬌啼色
佳夢入仙城風流
石曼卿 宮袍呼醉醒
休卷西風錦明日
粉香殘六朝
煙水寒

又水晶脰

玉鱗熬出香凝軟
并刀斷處冰絲顫
紅縷閒堆盤輕明
相映寒 纖柔分勸處
膩滑難停筯一洗
醉魂清真成
醒酒冰

又

玉闌秋色知誰主
隔闌一架葡萄雨
綠蘚怕啼螿可堪

宮漏長 烏絲吟古怨清淚消塵硯夢冷不成雲口峰

峰外情

又

何須急管吹雲暝高寒豔豔開金餅今夕不登樓一年
空過秋 桂花香霧冷梧葉西風影客醉倚河橋清光
愁玉簫

又詠雙心水仙

雲嬌雪嫩羞相倚凌波共酌春風醉的樂玉臺寒肯教
金琰單 只疑雙蝶夢翠袖和香擁香外有鴛鴦風流
煙水鄉

青玉案

平生似欠西湖債，每拚了金貂解。嫵媚煙雲多變態，雕鞍來處，畫船歸去，花柳春風隘。玉京相接蓬壺界，入畫遙山翠。分黛蘇小不來時，節改一隄風月，六橋煙水鷺約鷗盟在。

醉落托

鉤簾翠溼寒江上，雨晴風急亂峰低。處明殘日雁字成行，寫破暮天碧。故人天外長爲客，倚闌一望情何極。新來得箇歸消息，去掉棹回舟，數過幾千隻。

夜合花

斑駁雲開濛濛雨，過海棠花外。寒輕湖山翠暖，東風正要新晴，又喚醒舊遊情。記年時今日，清明隔花陰，淺香

隨笑語特地逢迎 人生好景難并依舊秋千巷陌花
月蓬瀛春衫抖擻餘香半染芳塵念嫩約杳難憑被幾
聲啼鳥驚心一庭芳草危闌晚日無限消凝

花心動梅意

碧蘚封枝點寒英疏疏玉清冰潔夢憶舊家春與新恩
曾映壽陽妝額綠裙青袂南鄰伴應怪我精神都別恨
衰晚春風意思頓成羞怯 猶念橫斜性格惱和靖吟
魂自來清絕斜傍勁松偷倚修篁總是歲寒相識綠陰
結子當時意到如今芳心消歇小橋夜清愁倦陪澹月

昭君怨題春波獨載圖

一棹莫愁煙艇飛破玉壺清影水濺粉綃寒渺雲鬢

不肯凌波微步卻載春愁歸去風澹楚魂驚隔瑤京

杏花天

霽煙消處寒猶嫩乍門巷愔愔晝永池塘芳草魂初醒
秀句吟春未穩仙源阻春風瘦損又燕子來無芳信
小桃也自知人恨滿面羞紅難問

又

遠山學得修眉翠看眉展春愁無際雨痕半溼東風外
不管梨花有淚西園路青鞵暗記怕行入秋千徑裏
一春多少相思意說與新來燕子

又題杏花春禽扇面挂軸

花凝露溼燕脂透是彩筆丹青染就粉綃帕入班姬手

舒卷清寒時候 春禽靜來窺晴晝問冷落芳心知否
不愁院宇東風驟日日嬌紅如舊

又杏花

玉壇消息春寒淺露紅玉嬌生靚豔小憐鬢溼燕脂染
只隔粉牆相見 花陰外故宮夢遠想未識鶯鶯燕燕
飄零翠徑紅千點桃李春風已晚

祝英臺近荷花

擁紅妝翻翠蓋花影暗南浦波面澄霞蘭艇採香去有
人水濺紅裙相招晚醉正月上涼生風露 兩凝佇別
後歌斷雲閒嬌姿黯無語魂夢西風端的此心苦遙想
芳臉輕顰凌波微步鎮輸與沙邊鷗鷺

又

一窗閒孤燼冷獨自箇春睡繡被熏香不似舊風味靜
聽滴滴簷聲驚愁攪夢更不管庾郎心碎念芳意一
併十日春寒梅花煞憔悴懶做新詞春在可憐裏幾時
挑菜踏青雲沈雨斷盡分付楚天之外

江城子代作

綠叢籬菊點嬌黃過重陽轉愁傷風急天高歸雁不成
行此去郎邊知近遠秋水闊碧天長郎心如妾妾如
郎兩離腸一思量春到春愁秋色亦淒涼近得新詞知
怨妾無口訴泣蘭房

生查子詠芹

野泉春吐芽泥溼隨飛燕碧澗一杯羹夜韭無人翦
玉釵和露香鵝管隨春軟野意重殷勤持以君王獻

又

芙蓉羞粉香倚竹窺煙霽眼帶楚波寒骨豔春風醉
誰傳側帽情想解遺鞭意紅葉可憐秋不寄相思字

又史輔之席上歌者贈雲頭香乞詞

蓬萊一捻雲徹骨龍涎染風味韻而芳笑語柔而婉
花嬌綠鬢寒酒凝清歌怨翠幄已煙穠銀燭重休翦

又木香

春籠雲潤香露溼青蛟瘦偷學漢宮妝舞徹霓裳後
酥胸紫領巾冰翦柔荑手有意入羅囊不肯成春酒

又

飛花澹澹風破暖疏雨香潤玉階塵翠溼紗窗霧
鈿箏離雁行寶篋留釵股惟有鳳樓魂夜夜江南路

又梅次韻

香驚楚驛寒瘦倚湘筠暮一笛已黃昏片月尤清楚
沈沈冰玉魂漠漠煙雲浦酸淚不成彈又向春心聚

解連環柳

露條煙葉惹長亭舊恨幾番風月愛細縷先窳輕黃漸
拂水藏鴉翠陰相接纖軟風流眉黛淺三眠初歇柰年
華又晚縈絆遊蜂絮飛晴雪依依灞橋怨別正千絲
萬緒難禁愁絕悵歲久應長新條念曾繫花驄屢停蘭

纖弄影搖晴恨閒損春風時節隔郵亭故人望斷舞腰
瘦怯

又春水

浪搖新綠漫芳洲翠渚雨痕初足蕩霽色流入橫塘看
風外漪漪皺紋如縠藻荇縈迴似留戀鴛飛鷗浴愛嬌
雲蘸色媚日投藍遠迷心目仙源漾舟岸曲照芳容
幾樹香浮紅玉記那回西洛橋邊濺裙翠傳情玉纖輕
搵三十六陂錦鱗渺芳音難續隔垂楊故人望斷浸愁
萬斛

燭影搖紅

別浦潮平遠村帆落煙江冷征鴻相喚著行飛不耐霜

風緊雪意垂垂未定正慘慘雲橫凍影酒醒情緒日晚
登臨淒涼誰問行樂京華輭紅不斷香塵歎試將心
事卜歸期終是無憑準寥落年華將盡誤玉人高樓凝
恨第一休負西子湖邊江梅春信

憶秦娥

棲鳥驚隔窗月色寒於冰寒於冰澹移梅影冷印疏櫺
幽香未覺魂先清無端句起相思情相思情惱人無
睡直到天明

又舟中書事

歌聲閒蘭舟只隔芙蓉灣芙蓉灣扇搖波影風卷雲鬢
餘音嫋嫋留餘歡雙鴛飛處傳情難傳情難曲終人

去愁寄湖山

清平樂秋葉

盤枝翦翠葉葉西風意吹上玉人雲
底無限新涼氣
味飄蕭露卷煙柔絕憐不逐宮流寄語多情宋玉悲
秋得似宜秋

又

春蒲雨溼燕子低飛急雲壓前山羣翠失煙水滿湖輕
碧小蓮相見灣頭清寒不到青樓請上琵琶絃索今
朝破得春愁

更漏子

玉簫閒清韻咽人倚畫闌愁絕雲惱月月羞雲半溪梅

影昏 恨春風蕭散後夜夜數殘更漏情悄悄思依依
天寒一雁飛

東風第一枝爲梅溪壽

玉潔生英冰清孕秀一枝天地春早素盟江國芳寒舊
約漢宮夢曉溪橋獨步看灑落仙人風表似妙句何遜
揚州最惜細吟清峭香暗度照影波渺春暗寄付情
雲杳愛隨青女橫陳更憐素娥窈窕調羹雅意好贊助
清時廊廟羨韻高只有松筠共結歲寒難老

又壬戌立春日訪梅溪雨中同賦

燒色回青冰痕綻白嬌雲先釀酥雨縱寒不壓葭塵應
時已鞭黛土東君入夜怕預惱詩邊心緒意轉新無奈

吟魂醉裏已題春句
香夢醒幾花暗吐綠睡起幾絲
偷舞酒醅清惜重斟菜甲嫩憐細縷玉纖綵勝願歲歲
春風相遇要等得明日新晴第一待尋芳去

攤破浣溪沙七夕

嫋嫋天風響佩環鵲橋有女夜乘鸞也恨別多相見少
似人閒銀浦無聲雲路渺金風有信玉機閒生怕河
梁分袂處曉光寒

浣溪沙

遮坐銀屏度水沈障風羅幙皺沈金日遲宮院靜愔愔
繁杏半窺紅日薄小憐低唱綠窗深試拈犀管寫春

心

又

魂是湘雲骨是蘭春風冰玉注芳顏誰招仙子在人閒
濺水裙兒香霧皺唾花衫子碧雲寒洞簫聲絕卻驂鸞

又

偷得韓香惜未燒吹簫人在月明橋草芳似待玉驄驕
吹絮繡簾春澹澹隔香羅帳夜迢迢楚魂須著楚詞招

又小春

雲外峰巒翠欲埋雨沾黃葉溼青鞵小驚春色入寒荄
風月愁新空雁字神仙夢冷憶鸞釵淒涼不是好情

懷

又題湖樓壁

一色煙雲澹不消
兩峰眉黛爲誰嬌
春寒猶占木蘭橈
燕子似甘愁寂寞
海棠未肯醉妖嬈
小園嫩約尙蕭條

蘭陵王爲十年故人作

鳳簫咽花底寒輕
夜月蘭堂靜香霧翠深
曾與瑤姬恨
輕別羅巾淚暗疊
情入歌聲怨切
殷勤意欲去又留柳
色和愁爲重折
十年迴淒絕
念髻怯瑤簪衣褪香雪
雙鱗不渡煙江闊
自春來人見水邊花外羞倚東風翠
袖怯正愁恨時節
南陌阻金勒甚望斷青禽難倩紅

葉春愁欲解丁香結整新歡羅帶舊香宮篋淒涼風景
待見了盡向說

又春雨

灑虛閣冪冪天垂似幙春寒峭吹斷萬絲溼影和煙暗
簾箔清愁晚來覺佳景惜惜過卻芳郊外鶯恨燕愁不
管秋千冷紅索行雲楚臺約念今古凝情朝暮如昨
啼紅溼翠春情薄謾一犁江上半篙隄外句引輕陰趁
暮角正孤緒寂寞斑駁止還作聽點點簷聲沈沈春
酌只愁入夜東風惡怕催教花放趁將花落冥冥煙草
夢正遠恨怎託

水龍吟雲意

舊家心緒如雲乍舒乍卷初無定西郊載雨東城隔霧
還開晴景愛惱花陰喜移月地朦朧清影任無心有意
溶溶曳曳蕭散處有誰問朝暮如今難準枉教他惜
春人恨遠峰依舊前蹤何在有時愁疑此興飄然不妨
吹斷一川輕暝待良宵再入高唐夢裏覓巫陽信

又爲放翁壽

道山玉府眞仙去年再履論思地西清禁域眷深名重
年高身退玉振金聲水增川湧德兼才貴愛知章引去
安車穩駕軒冕付談笑外蘭玉孫枝競秀奉親歡菜
衣同戲蓬萊東接苧蘿西顧三山聳翠賜杖清朝命堂
綠野放懷高致似太公出將衛公入相爲蒼生起

又爲夢庵壽

夜來曾跨青虬海風嫋嫋吹襟袖蓬萊誤入羣仙爭問
劉郎安否玉麈冰壺日庭星角孕成奇秀看丹分寶鼎
錄傳祕篋聞重寄長生酒歸夢驚回曉漏正長庚輝
躔南斗祥開華旦菊香秋杪根黃霜後筆掃龍蛇句裁
螭錦俊才誰右看功勳繡衮家聲再振數千齡壽

聲聲慢元夕

壺天不夜寶炬生香光風蕩搖金碧月灩冰痕花外峭
寒無力歌傳翠簾盡卷誤驚回瑤臺仙迹禁漏促拚千
金一刻未酬佳夕卷地香塵不斷最得意輸他五陵
狂客楚柳吳梅無限眼邊春色鮫綃暗中寄與待重尋

行雲消息乍醉醒怕南樓吹斷曉笛

隔浦蓮 七夕

銀灣初霽暮雨鵲赴秋期去淺月窺清夜涼生一天風
露纖巧雲暗度河橋路縹緲乘鸞女正容與西廂舊
約玉嬌誰見私語柔情不盡好似冰綃雲縷回首天涯
又怨阻無語西風魂斷機杼

思佳客 秋扇

入手西風意已羞不須玉斧爲重修撲螢涼夜沈沈月
障面清歌澹澹秋休棄置且遲留可憐又向篋中收
莫教暗損乘鸞女漢殿淒涼萬古愁

又題太真出浴圖

寫出梨花雨後晴凝脂洗盡見天真春從翠髻堆邊見
嬌自紅綃脫處生天寶夢馬嵬塵斷魂無復到華清
恰如佇立東風裏猶聽霓裳羯鼓聲

又

有約湖山卻解襟晝眠占得一庭深樹邊風色寒滋味
愁裏年華雁信音驚楚夢聽瑤琴黃花尙可伴孤斟
斷雲萬一成疏雨卻向湖邊看晚陰

又

翦翠衫兒穩四停最憐一曲鳳簫吟同心羅帕輕藏素
合字香囊半影金春思悄畫窗深誰能拘束少年心
鶯來驚碎風流膽踏動櫻桃葉底鈴

又立秋前一日西湖

不肯樓邊著畫船
載將詩酒入風煙
浪花濺白疑飛鷺
荷芰藏紅似小蓮
醒醉夢喚吟仙
先秋一葉莫驚蟬
白雲鄉裏溫柔遠
結得清涼世界緣

又中秋後一日借月意

白玉樓臺知幾重
夜來望斷廣寒宮
一分乍闕嬋娟影
二八尤宜冰雪容
雲鬢露玉釵
風水晶簾幙正玲瓏
殷勤再爲天香醉
可惜清光付曉鐘

永遇樂次韻弔青樓

淺暈修蛾脆痕紅
粉猶記窺戶香斷
簾空塵生砌冷誰
喚青鸞舞春風
花信秋宵月約歷歷
此心曾許銜芳恨

千年怨結玉骨未應成土
木蘭艇子莫愁何在謾繫
寒江煙樹事逐雲沈情隨佩冷短夢分今古一杯遙夜
孤光難曉多少碎人腸處空淒黯西風細雨盡吹淚去

玲瓏四犯

水外輕陰做弄得飛雲吹斷晴絮駐馬橋西還繫舊時
芳樹不見翠陌尋春每問著小桃燕語恨燕鶯不識閒
情卻隔亂紅飛去少年曾識春風意到如今怨懷難
訴魂驚冉冉江南遠煙草愁如許此意待寫翠牋柰斷
腸都無新句問甚時舞鳳歌鸞花裏再看仙侶

御街行賦簾

香波半窳深深院正日上花陰淺青絲不動玉鉤閒看

翠額輕籠蔥蒨鶯聲似隔篆煙微度愛橫影參差滿
那回低挂朱闌畔念閒損無人卷窺春偷倚不勝情彷彿
見如花嬌面纖柔緩揭瞥然飛去不似春風燕

又賦驕

藤筠巧織花紋細稱穩步如流水踏青陌上雨初晴嫌
怕溼文鴛雙履要人送上逢花須住纔過處香風起
裙兒挂在簾兒底更不把窗兒閉紅紅白白簇花枝恰
稱得尋春芳意歸來時晚紗籠引道扶下人微醉

霜天曉角

春雲粉色春水和雲溼試問西湖楊柳東風外幾絲碧
望極連翠陌蘭橈雙槳急欲訪莫愁何處旗亭在畫

橋側

又

爐煙浥浥花露蒸沈液不用寶釵翻炷閒窗下嫋輕碧
醉拍羅袖惜春風偷染得占取風流聲價韓郎是舊
相識

又九日蘇隄

霜清水碧冷浸紅雲溼休說季倫錦帳山南岸更花密
露滴空翠冪兩峰開霽色不爲穠妝一醉西風帽爲
誰側

眼兒媚

輕雲終被斷雲留不肯放春愁翠樓舊倚粉牆重見歌

酒風流 今朝畢竟吟情澹
芳意未全酬 東風向晚鶯
花有意 吹轉船頭

卜算子 泛西湖坐閒寅齋同賦

屈指數春來 彈指驚春去
簷外蛛絲網 落花也要留春
住 幾日喜春晴 幾夜愁春雨
十二雕窗六曲屏 題徧
傷春句

西江月

小舫半簾山色 斷橋兩岸秋陰
芙蓉消息已愁深 紅染
雲機翠錦 幾度煙波共酌
半生風月關心 飛來鷗鷺
是知音 一笑歌邊醉醒

點絳脣

天外青鸞幾時常向人閒住斷歌零舞月上桐陰暮
憔悴潘郎不解爲花主知何處夢雲愁雨怕向西樓去

又

釣月篷閒載詩卻向旗亭醉翠蒲陰外莫放雙鷗起
水佩仙裳洒落煙雲意來相試玉綃新製要寫蓬壺記

踏莎行九日西山

水減隄痕秋生屐齒瘦筇喚起登高意翠煙微冷夢淒
涼黃花香晚人憔悴懷古風流悲秋情味紫萸勸入
旗亭醉玉人相見說新愁可憐又溼西風淚

又

花染煙香柳搖風翠春工寫出清明意翠灣還趁畫船

開粉牆到處驕驄繫
歌喚紅裙酒招青旆吟情又許
春風醉何妨日日爛芳遊
今宵先向西城睡

戀繡衾

碧梧偷戀小窗陰恨芭蕉不展寸心暗語近陽臺遠柰
秋宵砧斷漏沈月明欲教吹簫去隔驂鸞空留怨音
從此是天涯阻這一場愁夢更深

風入松

卷簾日日恨春陰寒食新晴馬蹄只向南山去長橋愛
花柳多情紅外風嬌日暖翠邊水秀山明杜郎歌酒
過平生到處蓬瀛醉魂不入重城晚穠歡寄桃葉桃根
繡被嫩寒清曉鶯聲喚醒春醒

又聞鄰女吹笛

粉嬌曾隔翠簾看橫玉聲寒夜深不管柔荑冷櫻朱度
香歎雲鬢霜月搖搖吹落梅花簌簌驚殘 蕭郎且放
鳳簫閒何處驂鸞靜聽三弄霓裳罷魂飛斷愁裏關山
三十六宮天近念奴卻在人閒

南鄉子賦十四絃

直柱倚冰絃曾見胡兒馬上彈卻笑琵琶風韻古濺濺
想像湘妃水一簾塞恨曲中傳兩摺琴絲費玉纖不
似江南風月好厭厭拍手齊看舞袖邊

洞仙歌題真

輕痕淺暈偷染春風面恰似西施影兒現擬新妝臨檻

一段天真閒態度長恁香嬌玉軟
從今懷袖裏不暫
相離似笑如顰在舒卷願芳容不老只似如今嬌不語
無柰情深意遠便雨隔雲疏暫分攜也時展丹青見伊
一見

柳梢青柳

翠拂晴波煙垂古岸灞橋春色斜帶鴉啼亂縈鶯夢愁
絲如織爲憐張緒風流正瘦損宮腰褪碧綻綰同心
留連不住天涯行客

少年遊草

春風吹碧春雲映綠曉夢入芳裊軟飛花遠連流水
一望隔香塵萋萋多少江南恨翻憶翠羅裙冷落閒

門淒迷古道煙雨正愁人

訴衷情

西樓楊柳未勝煙寒峭落梅天東風渡頭波晚一棹木
蘭船花態度酒因緣足春憐屏開山翠雨怯雲嬌盡
付愁邊

夜行船

翦水天風吹醉醒高樓外凍雲愁凝袖口香寒歌喉春
暖不管雁邊寒緊瓊屑瑤花飛碎影應須待玉田千
頃小約梅英教吟柳絮春在繡紅鴛錦

滿江紅

擊碎空明滄浪晚棹歌飛入西山外紫霞吹斷赤塵無

迹飛上冰輪涼世界喚回天籟清肌骨看驪珠影墮冷
光斜蛟龍窟長嘯外綸巾側輕露下織絺溼聽洞簫
聲在臥虹陰北十萬江妃留醉夢二三沙鳥驚吟魄任
天河落盡玉杯空東方白

酌江月靈巖弔古

萬巖靈秀拱崇臺飛觀憑陵千尺清磬一聲簾幙冷無
復宮娃消息響屨廊空採香徑古塵土成遺迹石閒松
老斷雲空鎖愁寂專寵誰比輕顰楚腰吳豔一笑無
顏色風月荒涼羅綺夢輸與扁舟歸客舞闋歌殘國傾
人去青草埋香骨五湖波淼遠空依舊涵碧

謁金門

煙墅暝隔斷仙源芳徑雨歇花梢魂未醒溼紅如有恨
別後香車誰整怪得畫橋春靜碧漲平湖三十頃歸
雲何處問

留春令淮南道中

斷霞低映小橋流水一川平遠柳影人家起炊煙彷彿
似江南岸馬上東風吹醉面問此情誰管花裏清歌
酒邊情問何日重相見

又

粉綃輕試綠裙微褪吳姬嬌小一點清香著芳魂便添
起春懷抱玉臉窺人舒淺笑寄此情天渺酒醒羅浮
角聲寒正月挂南枝曉

又梅

玉清冰瘦洗妝初見春風頭面等得黃昏月溪寒愛顧
影臨清淺歷盡冰霜空羞怨怨粉香消滅江北江南
舊情多柰笛裏關山遠

又紅梅

玉妃春醉夜寒吹墮江南風月一自情留館娃宮在竹
外尤清絕貪睡開遲風韻別向杏花休說角冷黃昏
豔歌殘怕驚落燕脂雪

太常引

玉肌輕襯碧霞衣似爭駕翠鸞飛羞問武陵溪笑女伴
東風醉時不飄紅雨不貪青子冷澹卻相宜春晚湧

金池問一片將愁寄誰

浪淘沙杜鵑花

啼魄一天涯，怨入芳華。可憐零血染煙霞。記得西風秋露冷，曾浼司花。明月滿窗紗。倦客思家。故宮春事與愁賒。冉冉斷魂招不得，翠冷紅斜。

意難忘代贈

仙子奇容是名花，第一美占春風。煙香籠淺翠，露靚滉芳紅。憐舞燕惜驚鴻，想獨步吳宮。料認得嬌雲媚雨，來自巫峰。風流正與歡濃，羨高樓竝倚，曲影闌東。燭搖留醉枕，塵墜戀歌鐘。三弄笛，五花驄。莫行樂，忽忽但看取。天長地久，笑語相逢。

雨中花

旆拂西風客應星漢行參玉節征鞍緩帶輕裘爭看盛
世衣冠吟倦西湖風月去看北塞關山過離宮禾黍故
壘煙塵有淚應彈文章俊偉穎露囊錐名動萬里呼
韓知素有平戎手段小試何難情寄吳梅香冷夢隨隴
雁霜寒立勳未晚歸來依舊酒社詩壇

八歸重陽前二日懷梅溪

楚峰翠冷吳波煙遠吹袂萬里西風關河迴隔新愁外
遙憐倦客音塵未見征鴻雨帽風巾歸夢杳想吟思吹
入飛蓬料恨滿幽苑離宮正愁黯文通秋濃新霜初
試重陽催近醉紅偷染江楓瘦筇相伴舊遊回首吹帽

知與誰同想萸囊酒琰暫時冷落菊花叢兩疑佇壯懷
立盡微雲斜照中

瑞鶴仙筇枝

一枝蒼玉冷愛露節霜根從來孤勁提攜遠塵境自清
臞骨力歲寒心性登臨助興甚偏與芒屨相稱笑葛洪
陂外騰飛渺渺水閒煙迴尋勝撥開林影斲破苔痕
緩支幽徑分雲度嶺待隨處問梅信任香挑村醕寒拖
夜月識盡江山好景扣禪關拗折歸來萬緣自靜